

NAZ.  
Cole III

LI

BIBLIOTECA NAZ.  
Vittorio Emanuele III

XL

D

8

NAPOLI

~~45~~ XL D 8

XL.  
D.  
8-

~~XX. L. H.~~

IX  
5  
-

~~C. XXXVI.~~

FRANCISCI CAMPANI  
Quaestio Virgiliana,

Per quam diligentiss. Poeta negligentia,  
quam Tucca, & Varus, ac ceteri bac-  
tenus obiecerunt, absolvitur<sup>1</sup>, & sine qua  
multa in divina Eneide ad hanc diem ob-  
scurissima loca, sed in secundo praesertim  
& sexto intelligi non possunt, ideoq; le-  
ctores iure torquebant, quod ex iis es-  
sent, quae insolubilia dicuntur. Non pau-  
ca item apprimè erudita adijciuntur, quae  
pagina octava indicabit.

Mediolani apud Caluum  
M. D. XXXX.

ROMA



THE UNIVERSITY OF CHICAGO

LIBRARY

1215 EAST 58TH STREET

CHICAGO, ILL. 60637

TEL. 733-4331

TELETYPE 733-4331

CABLE 733-4331

POSTAL ADDRESS

THE UNIVERSITY OF CHICAGO

CHICAGO, ILL. 60637

U.S. MAIL PERMIT NO. 100

CHICAGO, ILL.

POSTAGE WILL BE PAID BY ADDRESSEE

NO. 100

CHICAGO, ILL.

U.S. MAIL PERMIT NO. 100

CHICAGO, ILL.

POSTAGE WILL BE PAID BY ADDRESSEE

NO. 100

CHICAGO, ILL.

U.S. MAIL PERMIT NO. 100

CHICAGO, ILL.

POSTAGE WILL BE PAID BY ADDRESSEE

NO. 100

CHICAGO, ILL.

HERCVLI GONZAGAE  
ELECTO MANTVANO,

MAX.<sup>e</sup> REVEREN. ATQVE ILLVSTRI  
Franciscus Campanus. S. D.

HOMERI virtutes Hercules Gonzaga, quod tu minimè igno-  
ras, tam cognita apud Græcos sunt, quàm nota apud omnes gen-  
tes gloria, quod Criticorum, qui postea Grammatici dicti sunt,  
labore potissimum atque opera factum est, qui non mediocrem  
in eruendis illis curam cogitationemq; posuerunt. Hos enumerare  
quidem magnum esset, ita fuerunt multi. celeberrimi verò (si-  
cut accepimus) Aristarchus, Crates, atque Zenodotus. non pa-  
rum tamen (mitto antiquiores illos, de quibus Plato meminit in Io-  
ne) & ipse, atque Aristoteles, alijsq; Philosophi non parum mul-  
ti, & hi quidem magni atque nobiles, insignes illas manifestasq;  
scriptis suis fecerunt. Homero autem tuo, imò nostro potius,  
Mantuano longè aliter accidisse videtur. licet enim commenta-  
riorum in eum scriptores, ex antiquioribus memorare satis mul-  
tos possumus, non improbatos sanè plerosq;, vel Gellio ipso tes-  
te, neque ignobiles, nec numero tamen, nec eruditione atque  
ingenij acumine fortasse, cum Græcis illis conferendos, plures  
vero melius, Aristotele teste, indicant & musices & Poeta-  
rum opera, ἄλλοι δὲ ἄλλό τι μῦθον (inquit) πάντα ἡ πάντες.  
Poetarumq; virtutes ingenijs quidem eruuntur ad eas eliciendas a-  
cutis atque acerbis, ut quàm verissimè dici posse videatur P.  
Virgilij notam esse gloriam, virtutes in multis lucem interpre-  
tis desiderare. est enim diuina Cneis profectò, tanq̃. M.

Tullij illa de Oratore libro primo locuples ac referta domus , non explicata veste , neq; proposito argento , neque tabulis ac signis propalam collocatis , sed his omnibus multis magnificisq; rebus , constructis , ac reconditis . quandoquidem & Flaccum poetam dixisse ferunt , non eas se diuitias putare , quarum recondita atq; abdita non plura essent his , quæ palam posita sub aspectum subiicerentur . Quare proferendæ in lucem atq; explicandæ illius diuitiæ sunt , copiaq; ornamentorum huiusmodi , non per quadam inuolucra atq; integumenta strictim aspicienda , sed contemplanda diligenter , planeq; noscenda ac videnda est . Ego verò , & si tantum non communium literarum , & politioris humanitatis expers , ita parum & eruditione & ingenio valeo , nihil vt in medium asferre , præter bonam voluntatem possim , adeoq; & occupata opera , & impedito animo sum , vt minimum adhibere quoq; diligentia valeam , cum subcisua tamen quedam tempora incurrant , quæ perire non patior (eripitur autem è summis etiam occupationibus aliquid) de Virgilianis quæstionibus nonnihil nuper scribere aggressus sum , cuiusmodi ferè titulo in Homerum ipsum Aristotelem plures scripsisse libros , Diogeni Laertio credimus . Porphyrium autem philosophum videmus , vt tametsi nequaquam parcm illius ingenio (mutuabor . M : Tullij verba) at pro nostra tamen studio meritam gratiam , debitamq; referrem , excitaremq; ætatis nostræ Iuuenes saltem , ad Poetarum principis virtutes studiosè exquirendas , quas magni viri sit (quod de Homero Fabius inquit) non emulatione , id enim fieri non potest , sed intellectu sequi . Quæstionem tamen vnâ interim emittere cum statuissem , & quod habet bene planè longam , & satis litigiosam disputationem .



nem, & vt aliquod studiosis darem, quaecumq; est, consilij ac insti-  
tuti mei testimonium, dicendam tibi illam putari, & vt tui me, ac  
P. Virgilij ciuis tui, amantissimum ac studiosissimum esse cognosce-  
res, & quod te huius etiam rei profectò non prudentem modo, quip-  
pe qui nunquam intermittis studia doctrinae, in omnibusq; ingenuis  
artibus ita versaris, ut excellas, verum etiam sincerum atq; equissi-  
mum aestimatorem ac iudicem habiturum me esse confido. Tota  
igitur disputatio super duobus illis & viginti versibus est, qui  
iam inde ab ipsius Poetæ decessu sublata à Tueca ( vt aiunt ) Va-  
roq; ex libro secundo fuerunt. Quoniam longè aliter eadem de re  
Deiphobi ore tradidisse Libro Sexto videatur, quos non tantum  
nullo pacto deesse nos, sed omnino adesse posse ac debere, contra  
non correctorum ipsorum modo, sed Criticorum, Grammatico-  
rumq; omnium, qui fuerunt post, doctiorumq; multorum, qui so-  
lent interdum haec animadvertere, opinionem ac iudicium, pro-  
bare tentauimus, luisse verò ( vt inquit Cicero )  
putemur, si nihil sit. Vale.

<sup>mo</sup>  
Data. X. Kal. Martias. M. D. XXXVI.  
BONONIAE.

DVO ET VIGINTI VERSVS,

qui à Tucca Varoq; sublatis ex Libro  
Æneidos Secundo fuisse creduntur  
hi sunt. Æneas loquitur,

Jamq; adeo super unus eram, cum limina Vesta  
Seruantem, & tacitam secreta in sede latentem  
Tyndarida aspicio, dant clara incendia lucem  
Erranti, passimq; oculos per cuncta ferenti.  
Illa sibi infestos euerfa ob Pergama Teucros,  
Et pœnas Danaûm, & deserti coniugis iras  
Permetuens, Troiæ, & patriæ communis Erinny  
Abdiderat sese, atq; aris inuisa sedebat.  
Exarsere ignes animo, subit ira cadentem  
Ulcisci patriam, & sceleratas sumere pœnas.  
Scilicet hæc Spartam incolumis, patriasq; Mycenæ  
Aspiciet? partoq; ibit regina triumpho?  
Coniugiumq;, domumq;, patres, natosq; uidebit  
Iliadum turba, & Phrygiis comitata ministris?  
Occiderit ferro Priamus? Troia arserit igni?  
Dardanium toties sudarit sanguine littus?  
Non ita, nanq; etsi nullum memorabile nomen  
Jæminea in pœna est, nec habet uictoria laudem,  
Extinxisse nefas tamen, & sumplisse merentis  
Laudabor pœnas, animumq; expleffe iuuabit  
Ultricis famæ, & cineres satiasse meorum.  
Talia iactabam, & furiata mente ferebar,

qui cum iis quos demptos ex Libro  
 Secundo fuisse credunt, pugnare  
*videntur. Deiphobus loquitur.*

-Nihil ò tibi amice relictum,  
 Omnia Deiphobo soluisti & funeris umbris,  
 Sed me fata mea, & scelus exitiale Lacarnæ  
 His mersere malis, illa hæc monimenta reliquit.  
 Nanq̃, ut supremam falsa inter gaudia noctem  
 Egerimus, nosti, & nimium meminisse necesse est,  
 Cum fatalis equus saltu super ardua uenit  
 Pergamā, & armatum peditem grauis attulit aluo.  
 Illa chorum simulans euanteis orgia circum  
 Ducebat Phrygias, flammam media ipsa tenebat  
 Ingentem, & summa Danaos ex arce uocabat.  
 Tum me confectum curis, somnoq̃ grauatum  
 Infelix habuit thalamus, pressitq̃ iacentem  
 Dulcis & alta quies, placidaq̃ simillima morti.  
 Egregia interea coniux arma omnia tectis  
 Emouet, & fidum capiti subduxerat ensen.  
 Intra tecta uocat Menelaum, & limina pandit,  
 Scilicet id magnum sperans fore munus amanti,  
 Et famam extinguere ueterum sic posse malorum.  
 Quid moror? irrumpunt thalamo, comes additur una  
 Hortator scelerum Colides. Dii talia Graiis  
 Instaurate, pio si pœnas ore reposco.

Capita Quaestionum quaedam secundum chartarum  
numerum atque ordinem notata.

Utrum sublatis duobus illis & viginti ex libro Aeneidos secundo ver-  
sibus, coniunctum aliquid, continuatum, aut consentiens locum il-  
lum habere, probari ac defendi possit. car. 2.

Qua potissimum ratione tantus dolor, non autem furor, excitat iras,  
legendum in Veneris castigatione sit. car. 2.

Irs diffinitio ex Aristotele, nec sine dolore eam esse. car. 2.

Efferuescentem vehementius iracundiam, furorem dici. car. 2.

Quae causae sint, ex quibus ira conflatur & efficitur. car. 2. facie. 2.  
& 12. fa. 2.

In quo timor sit, in eodem iram esse eodem tempore nullo pacto pos-  
se. car. 3.

Iram in singulos, ut Calliam, non autem in genera, ut furem, esse.  
car. 3.

Quinam iratior Aeneas tam subito extitisset, cum illi Venus dixit, Na-  
te quis indomitas tantus dolor excitat iras? car. 3. & fa. 2.

Et iratos ipsos quoque quemadmodum & ceteros autem quod autem tantum  
concupiscere. car. 3. fa. 2.

Quod in eos, qui potentia excuperant, aut nullo pacto irascimur, aut cer-  
te minus, licet longe aliter Anneus Seneca de Ira Libro primo  
sentiat. car. 3. fa. 2.

Qua ratione ab Homero Iliados. 3. dictum sit, iram liquenti melle  
dulciorem in hominum pectoribus gliscere, ut duas inter se  
prorsus contrarias perturbationes, dolorem scilicet ac volupta-  
tem complexa sit, atque contineat. car. 3. fa. 2.

Non modo timentem non irasci, sed nec iratum etiam timere, & quæ  
eius rei ratio. car. 4. & fa. 2.

Cur in obliuionem suorum omnium venisse Æneam, tunc quæstæ Venus  
sit, cum primum ipse reminiscens sese de illis recordatum ma-  
ximè fuisse dixerit. car. 5.

Qua ratione eadem Æneæ ut diceret, adducta sit, Helenam, etiam Pa-  
ridem, Troiani excidij causam non fuisse. car. 5.

Utrum credibile videatur à Tucca Varoq; duos illos & viginti ver-  
sus detractos ex libro secundo fuisse. car. 5.

A quo Paris Helens raptor tandem, & quomodo confectus fuerit.  
car. 5.

Veteres Grammaticos confictiones interdum quasdam potius asserre,  
quàm quæstiones solvere. car. 6.

Duplex reticentis (obiscientiam alij, alij interruptionem vocant) quæ  
ἀποσιώπῃσις græcè dicitur, genus esse. car. vi. fa. 2.

Quibus rationibus Æneas culpandus non fuisse videatur, etiam si de mu-  
liere interficienda cogitauerit. car. 7.

Qui terribiles; qui item ridiculi, in iracundis affectu vocantur.  
car. 7.

Virum probum cum solus fuerit multa dicturum facturumq; inter-  
dum, quæ presentibus alijs non item. car. 7.

Minus turpem iracundis, quàm cupiditatum incontinentiam esse. car.  
7. fa. 2. & car. 8. fa. 2.

Poetam imitatore esse, & qualia illum imitari contingat, inibiꝑ Ho-  
ratij locus ex Poetica consideratus. car. 7. & fa. 2.

Sophoclem homines, quales esse eos oporteret effinxisse, Euripidem ve-  
rò quales essent. Hoc autem ipsum dixisse Sophoclem Aristote-

les, in Poetica testis est. car. 7.

Audire rationem iram, non perfecte tamen plenèq; audire, & quæ uis  
ac natura eius sit. car. 8. & fa. 2.

Uersuum illorum, qui à Tucca Varoq; exempti fuisse creduntur, non  
indiligens interpretatio. car. 9. 10. & 11. fa. 2. & 13. fa. 2.

In quo differat ab ultione pœna. car. 9.

Cur noctu excidiū Troiani irato Cneæ Venerem apparere, nec simu-  
lata aliqua, sed sua ipsius forma ac specie, necesse fuerit. car. 9. fa. 2.

Veneris eiusdem verba, quibus natum acerbiorē iracundia incitatum ca-  
stigmat, diligentissime examinata. car. 2. 4. 7. fa. 2. & 10.

Nonnullos ex Iliados. i. versus ab Aristarcho fuisse detractos,  
quibus apud Achillem Phœnix, ob parentis Amyntoris execra-  
tiones, de interficiendo olim illo sese cogitasse fatebatur. Sunt  
autem apud Plut. in commentario, qui inscriptus est, quomodo  
oporteat nouitium audire poemata. car. 10. fa. 2.

Impudentiam atque ingratitude contemptiois genera esse. car. 12.  
fac. 2.

Deiphobi, quo cum Helena Troiani excidiū tempore nupta esset, do-  
mus, qua noctis hora, à quibusue grecorum, & quomodo expu-  
gnata atque incensa fuerit. car. 13. & 17.

Qua ratione Palinurus apud inferos iam constitutus, mortis adhuc  
sua auctorem ignorat cum ait, Nec me Deus equore merisit, cum  
constet à somno illum in Phorbantis figuram habitumq; formato,  
fuisse demersum. car. 14. fa. 2.

Verborum pondera, quibus Cneam libro sexto necis ac concisionis sue  
Deiphobus, auctorem ac modum docet, diligentissime examinata.  
car. 6. fa. 2. & 15. fa. 2. & 16. fa. 2. & 20. fa. 2.

Utrum Helena exeldij Troiani nocte Menelao Deiphobum Vlyssip  
prodiderit. car. 6. & 14. & 18.

Fuerit ne eadem Græcorum doli conscia, ac Durateo in equo Græcos  
Principes inclusos fuisse nouerit. car. 19.

Quo nam modo sese aduersus vlysssem gesserit, mendici forma atq  
habitu Ilium ingressum. car. 20.

Non esse mulieribus temere arcanas occultasq; res credendas. car. 20.

Maiorem omnino iracundiam lenire sumptum de alio supplicium pri  
us, celeberrimumq; ad id Philocratis dictum. car. 21.

Qui Helena sensus fuerit, cum primum Ilium captum esse sensit.  
car. 21. & 26. & fa. 2.

A quibus quomodoq; datum è Troia signum fuerit à Tenedo ve  
nientibus Græcis. car. 21. fa. 2. & 22.

Poetas quorum ars in imitatione consistit, sibi ipsis interdum contra  
ria dicere necesse esse. car. 11. & 22. fa. 2.

Quo Menelaus loco nocte illa Helenam, quomodoq; affectam inuene  
rit, quæue in illam id temporis mente, atq; animo fuerit.  
car. 23. fa. 2.

Quo tunc in loco potissimum Cneas fuerit, cum ira iam incenso illi  
Venus apparuit. car. 24. & fa. 2.

Præteritum perfectum apud Latinos vim eius interdum temporis ob  
tinere, quod à Græcis ἀόριστος vocatur. car. 25.

Unde illa Virgilij sint. Descendo, ac ducente Deo & cætera.

Scandit fatalis machina muros, et, Vestram ascendisset in urbem,  
car. 25. fa. 2. & 26.

P. Virgilium Romanas res per figuram aliarum rerum libenter ef  
fingere, & de Cæ Vestæ nonnulla, car. 26.



Quam sanctus ; quamq; omni religione munitus locus priuatarum  
adum apud veteres focus fuerit. car. 26.

Audax . M . (iceronis audita sua ipsius proscriptione consilium .  
car . 26 . fa . 2 .

Qui vetus supplicum in larem ac focum confugientium mos , quæ le-  
ges , quæ item appellationes fuerint . car. 27.





I  
FRANCISCI CAMPANI

Collensis Quæstio Virgiliana.

C A P T O ab Achinis Illo, lignei (vt Poëtarum consensus est). Equi dolo, nocte illa, quæ æternas vrbi tenebras attulit, vbi, vbi-  
sa atq; inuenta fuerit Helena, cuius recuperanda causa tantum con-  
citatum est bellum, P. Virgilius diuersis in locis adeo non  
diuersa modo, sed contraria sibi ipsi tradidisse visus est, vt à  
Plocio Tueca. L. Varop, quos Aeneidos libros emendasse  
constans fama est, multos ex libro secundo versus ea de causa  
fuisse sublato, nonnulli veterum Grammaticorum scriptum na-  
bis reliquerint, in quibus. s. Eneas, Helenam in Priami Re-  
gia à se inuentam dicere videatur, posteaq; à Græcis capta, di-  
repta incensalq; fuisset, Reges ipso etiam hostili iam manu in-  
terempto, vbi ad Vestæ limina, & Menelai, & aliorum Græ-  
corum pariter ac Troianorum iras permetuens, confugisset. hu-  
ius autem rei & in Poëta vita, quam commentarijs suis prepo-  
suit, & in ijs quæ super hoc ipso secundi libri loco scripsit, Serui-  
us Grammaticus auctor est. quo factum arbitror vt nonnulli no-  
stra ac superioris ætatis viri literati, ac studijs doctrinisq;  
dediti, ceteriq; omnes isti, qui in veterum auctorum libris emen-  
dandis, annotandisq; studium, operam, curam suam colloca-  
runt, duos & viginti versus ex libro secundo illos expungen-  
dos penitus, eliminandosq; censuerint, quasi & Poëta, si vi-  
ta suppetiisset, exempturus ipse fuerit. Mibi vero totum lo-  
cum quàm maxime intentis (vt aiunt) oculis, atq; acerrime consi-

# Q V A E S T I O

deranti, sublatis illis versibus, nescio quid incontextum, incontextum, imperfectumque relinqui videtur, & omnino aliquid desiderari. Veneris enim verba, quibus Eneam placat, monet atque obiurgat, sunt.

Nate, quis indomitas tantus dolor excitat iras?

Quid furis? & cetera. totus enim locus notus est. ad quid igitur referendum illud esse dici potest?

Quis indomitas tantus dolor excitat iras? si amoveatur

Exarsere ignes animo, subit ira cadentem

Ulcisci patriam, & sceleratas sumere poenas. ad quid item & illud?

Non tibi Tyndaridis facies inuisa Lacene

Has emittit opes. si hoc non acciderit,

Tacitam secreta in sede latentem

Tyndarida aspicio? cur & illi, a quo iam vix audiimus

Subijt chari genitoris imago

Ut Regem aquaeuum crudeli vulnere vidi

Vitam exhalantem, subijt deserta Crensa,

Et direpta domus, & parui casus Juli. Statim à Venere dicitur.

Quo nam nostri tibi cura recessit?

Non prius aspicias ubi fessum atate parentem

Liqueris Anchisen? superet coniux ne Crensa,

Ascaniusque puer? & reliqua plena grauitatis, plena auctoritatis,

plena denique salutis. sed cur ante omnia Eneam Venus

Dextraque prehensum

Continuit? si non ob id quod praecedit,

Et furiala mente ferebar. Sic illum enim qui non iret, sed fer-

retur, oportuit, tamen si quid. Ti. Donatus dicat non ignoramus, solus ipse enim sic locum interpretatur, quasi versus illi abesse & possint & debeant, ceteri vero omnes, ut eximi deberent fateantur quidem, vix posse tamen ostendant, de quo posterius dicemus. Non sit autem, ut Arist. testis est, sine morsu doloris. Ira, unde & Rhetoricæ artis libro secundo ἡ μὲν δὲ ὀλιγωρία (inquit) ἄλυκος, ἡ δὲ ὄργη μετὰ λύπης. & alibi, quid ira odio intersit ostendens, ait ὁ μὲν δὲ ὄργη ὁ μὲν λυπεῖται, ὁ δὲ μίσῳν οὖ'. quod saepe etiam in Ethicis. sic vero & ab eodem in Rhetoricis definitur ὁρῆς μετὰ λύπης τιμωρίας φαινομένης. Διὰ φαινομένην ὀλιγωρίαν τ' ἐκ αὐτῶν, ἢ ἐκ αὐτῶν τινὰ μὴ προσκινώντας. unde & Tyrrhenus Tarchon li. xi. lentitudinis (ea iræ vacuitas est) atq; inertis milites accusans

O nunquam (inquit) dolituri & semper inertes

Tyrrheni. iracundiam enim ipsam peripatetici fortitudinis eotem esse dicunt, quin etiam videri virum negant (inquit Cicero) qui irasci nesciat. Bene se igitur habet,

Tantus dolor excitat iras? sicuti & in primo,

Cause irarum, seniq; dolores. & libro nono,

Ignescunt iræ, & duris dolor ossibus ardet. ea vero si exarsit acris, furor appellatur (inquit Seneca) ex quo sequitur,

Quid furis? Quemadmodum & ad Neptunum Venus libro quinto cum dixisset

Iunonis gravis ira, addidit post,

Causas tanti sciat illa furoris. unde & furenter irasci & iracundia furere, apud M. Tullium legimus. Quoniam igitur

non iratum Æneam modo (quod Veneris castigatio demonstrat) sed furenter etiam iratum tunc temporis fuisse concedimus, Iracundia seu furoris huius originem, hoc est efficientem causam, profecto ut vestigemus ante omnia necesse est. si vero duos illos et viginti tolli versus patimur, unde hæc Æneæ ira subito? unde hic furor extiterit? verba enim illa quæ præcedunt,

At metum primum sanus circumstetit horror,

Obstupui, et cætera. longe aliter (ni fallor) innuere videntur, Æneam. s. (nec nulla de causa profecto) in illo ipso acerbissimo, miserrimoque spectaculo, metu vehementer exhorruisse. itaque dubitans circumspectans, basitans, stupore atque horrore persusus, socios ipsos requirebat, à quibus cum derelictum sese vidisset, augeri merita etiam timor potuit. Illud ergo quod sequitur.

Deservere omnes, et cætera. Nequaquam tantum illum Æneæ dolorem obierisse dici potest, ut furere magis quam irasci videatur, quin timorem, terroremque potius auxisse, ut Venus ipsa profecto, quid perterritus es nate? quid times? cur exhorruisti? potius dicere, quam quid tantum doles, irasceris, furisque debuerit, quoniam non ab iracundia illum et dolore, ad lenitatem misericordiamque reuocaret, sed deduceret perterritum à timore, eum vero qui in huiusmodi perturbatione constitutus esset, tam subito tempore nulla de causa, in vehementem illam iracundiam furoremque prorupisse, omni prorsus ratione caret. cum ira enim atque exandescencia, timiditati contrarij affectus sint, ut Arist. proble. sectio. octava docet, vix fieri posse videtur, ut eodem tempore quis et iracundia efferatur, et in timore sit, algeat atque æstuet.

palleat ac rubeat, quæ timentibus accidunt atq; iratis, quin potius ἀνυῦατος (inquit ille) ἀqua ποσειδάωνος ὀρεῖσθαι. Quare et in eos quos timemus, placatos nos esse dicit, quoniam. s. ᾗδιu sic affecti sumus, non irascamur, et iracundiam comprimi facile ac restingui, non aqua modo frigida large, quæ calorem extinguat offusa, verum etiam oblato metu posse, cui et Plut. assentitur in Dialogo περὶ ἀρεῶν. Iram vero ipsam non appropinquans aliquod, vel potius iam impendens, ac præsens malum, aut periculum quidem gignit, sed contemptio, despiciatio, illusio, contumelia, et cetera quæ in simili genere versantur, quemadmodum in Ethicis ac Rhetoricis ab Arist. scriptum legimus, quorum sublatis illis versibus, ne vestigium quidem hac parte inuenias. In huiusmodi motu animi Æneas igitur, in horrore videlicet et stupore, insidentēq; ipsius in mente cogitatione illa, quam dicit.

Subiit chari genitoris imago, et cetera. Irasci nullo modo poterat, nisi aliquid aliud accidisset postea, quod discusso metus frigore, stuporisq; torpore, in iram, atq; adeo furorem istum potius, illum repente prorumpere, atq; exardescere compulerit, quod quidem sublatis illis versibus extare nusquam diximus. Præterea cum semper ira πῆλὶ τὰ νάβηα, ut ex definitione patet, sit, cui nam, si non Helena illi in oculos incurrisset iratum Æneam tunc temporis fuisse dicemus? nisi forte simile veri uideatur, solum illum ibi eo loco ac tempore relictum, cum obruncatum iam Priamum, hinc vero igni se, hinc cateruis hostium circumfusum videret, nullis suffultum copiis, priuatum omni auxilio, contra

## Q V A E S T I O

ipsos Græcorum Principes incensum inflammatumq; fuisse ,  
 „ quod Donatus fortasse putarit inquiring . vltionem quam repe-  
 „ rire non potes , ingrato labore scētatis , dumq; vana & non  
 „ profutura prosequeris , curam nostræ ē tuis sensibus reieciſti .  
 At audire Aristotelis vocem tamen videor , qui Rhetoricę  
 artis libro primo οὐδείς ἰδ' ( inquit ) ὀργίζεται τῷ ἀδωάτῳ  
 φαινομένῳ τιμωρίας τυχεῖν , οὐ δ' τοῖς πολὺ ὑπὲρ αὐτῶ  
 τῇ ἀδωάτῳ , ἢ οὐκ ὀργίζεται , ἢ ἥσσον . vnde & nusquam non do-  
 ctissimus atq; intelligentissimus poeta lib . x . de Troianis , qui  
 vallo inclusi , vi , ferro , metu obsessi à Rutulis tenebantur ,  
 viso iam Cneā atq; eius classe dixit .

Spes addita suscitāt iras . Cum vero quę facultatem efficiendæ  
 non habere videantur cupiat nemo , & iratum ipsum quoq; quę  
 à se fieri tantum possint concupiscere , philosophus idem secun-  
 do scriptum libro reliquit . vnde & cuius iræ voluptatem quan-  
 dam comitari , ab vltionis spē manantem , asserit . iucundum enim  
 ( inquit ) est , si quis ea quę desiderauerit adepturum se confidit .  
 hinc & ab Homero recte de Ira , Iliados . 3 . dictum esse .

Ὡς πολὺ γλυκύνων μέλιτος καταλεβομένηο  
 ἀνδρῶν οὐ σύθεός τε ἀέχεται . tam & si neq; sanationis eius  
 ratio , quam hoc tempore Venus adhibet admittere id posse vide-  
 tur , quæ dicit .

Non tibi Tyndaridis facies inuisa Lacanæ , & cætera . ipsos enim  
 illos Principes metuendos ei potius ( vt certe erant ) ostendere ,  
 quàm ad Helenam adeo intempestiue , adeo suspiciosè transeundo ,  
 in causā illam non fuisse dicere debuisse , iuxta non Arist . eius .

dem magis, *q̃* natura ipsius vocem atq; preceptum. Non modo  
 non talis igitur (vt iam diximus) in horrore videlicet & stupore,  
 quæ timoris seu partes, seu signa sunt, *Æneas*, nec misera illa  
 ac flebili specie; cogitationeq; perturbatus, sed nec talibus,  
*Græcis Ducibus atq; Principibus*, quorum quanto potentia maior,  
 tanto minor illi spes visionis apparebat, quippe quam neq; ipse per  
 se, nec suorum auxilio consequi posset, nec tali fortasse de causa,  
 sine vlla profecto Ducum ac principum ipsorum, in ipsum illum  
 aut suorum aliquem, despectione ac contemptu, quo ad iracun-  
 diam animus allici deberet, omnino irasci potuit. Quare vt in  
*Helenam* tunc temporis incensum illum inflammatumq; fuisse dica-  
 mus, prorsus necesse est. Quod & *Æneas* ipsa satis, & *Ve-*  
*neris* verba demonstrant, quam quidem vt filij motus atque  
 impetus quo pertineret, intellexisse simile veri videtur, ita  
 de *Helena* dicturam eo quicquam tempore fuisse, nequaquam,  
 nisi momento illo temporis, in ipsam crudelius *Æneas* quid  
 atque acerbius consulisset. non petita enim quedam (vt dici-  
 tur) excusatio illa futura erat, de qua *Donatus* ait, ea pro-  
 pter *Helenam* excusasse, vt se ipsam etiam eodem tempore excu-  
 sare, cui talia quoque dici possent, vt hæc pateremur, tu feci-  
 sti. quam quidem *Terentianum* etiam illud sequitur, Nescio  
 quid peccati portet hæc purgatio. quemadmodum neque tantas  
*Æneam* super illa concepturum iras, nisi sic latens tunc ei in ma-  
 nus improniso incidisset, cum inopinato faciei illius, ex qua tot  
 lacrimarum origo fluxisset, aspectu commotus est, cuncta ista  
 tim cogitatione illi suggerente, quæ dicit.



# Q V A E S T I O

Scilicet hae Spartam incolumis , patriasq; Mycenae

Aspiciet ? partoq; ibit Regina triumpho ?

Coniugiumq; , domumq; , Patres , natosq; videbit

Iliadum turba , & Phrygijs comitata ministris ?

Occiderit ferro Priamus ? Troia arserit igni ?

Dardanium toties sudarit sanguine littus ? & cetera .

Quibus & contemptio & despectio ostenditur , aliaq; semina  
eius generisq; nonnulla , quae ira (vt iam diximus) efficiunt sunt .

Sic enim odium quod in absentem nec dum visam Helenam , inclu-  
sum prius sensibus habere Aeneas potuit , quemadmodum & cæ-  
teri Troiani , quin etiam & Graeci , vnde illud .

Tyndaridis facies inuisa Lacens , neq; enim tibi inuisa accipiendum ,  
vni . s . quae omnibus esset , sed tibi has opes euertit , iuxta id  
quod Aeneas dixerat ante .

Et quorum pars magna fui . in iracundiam statim conceptis huius-  
modi animo visis , quas παρτασιας vocant , adeo conuersum est ,  
vt stupiditatem omnem , timoremq; , & ( quod irati proprium ,  
sed magis furentis est ) parentis , vxoris , nati , propriis deniq;  
salutis curam posthabuerit atq; abiecerit . Quemadmodum enim  
timens non irascitur , quod abunde supra probatum iam est , ita  
nec timet iratus , vnde & Philosophus οὐτὲρ δὲ φόβος ὁ θυμῶς , ( in-  
quit ) οὐδέ τις φοβέται . causa autem ( vt opinor ) quod cum de  
futuro timor sit , illos qui in fortitudinis affectu , puta in ira vel  
fiducia sunt , de futuro non habere rationem dicit in his , quae de mi-  
sericordia tractat . His igitur de causis iratus , huiusmodi ira-  
cundia commotus , atq; inflammatus Aeneas , effrenatus in He-  
lenam



lenam inuasurus rapiebatur, nisi tempestine Venus apparuisset, quæ non alia de causa manu ipsum prehendit ac tenuit. hinc illud eius est.

Quo nostri tibi cura recessit? quasi dicat, quæ tibi modo pectus tetigerat, non autem quæ tibi esse aut debebat aut solebat. illo enim ipsomet tempore, post Priami casum, atque ante visam Helenam, statim cogitatio illi *ὁρὰ μὲν πρὸς* ut Aristotelis verbis utar, orta, mentem eius domum renocarat. Helena postea aspectus, conceptaque ex eo iracundia, abstraxerat atque reflexerat. Hinc conatus iracundiæ filij sedando certa illa nimirum, ac propria sanatio adhibita, cum non Helena, licet cunctis inuisam, formam ac speciem tanti imperij, tantarum opum, atque urbis desetricem, sed superbum crudelitatem dixit. nec dixit modo illa, verum etiam, ut in re præter auditoris sensum penitus, atque opinionem, sublimitis impedimentis omnibus, Cneus ipsius oculis subiecit. ex quo non modo non tantopere in eam sciendum atque irascendum, sed nec diuina etiam voluntati repugnandum esse, significatione illum occultiore submonet, & nedum Helenam, in quam nec opinato repertam, tam irato tunc ferebatur animo, sed ne Paridem ipsum quidem, quantumvis communi vituperatione culpatum, cuius profectò aut omnis, aut maior omnino culpa, quam mulieris erat. hic enim ille mihi ex argumentis locus quo minora ex maioribus colliguntur, *ἐν τῷ μᾶλλον ἔστιν ἄλλοις*. Aristoteles inquit, atque ad hoc nominatus Paris esse videtur, qui non modo inter Cneæ manus tunc ut Helena, sed ne inter viuos iam amplius quidem esset, Philoctetis (ut est apud Lycophronem) sa-

gitta interfectus, longeque validiora ijs, quae ab Aenea, versante  
 hic & illuc cogitatione rationem adducta prius fuerant, opponens,  
 quae cum ad id loci venerimus etiam commodius excutientur. Sic  
 demum omnia cohaerent atque inter se concinunt, nihil quod deside-  
 rari possit amplius superest, nihil non eruditionis, nihil non vir-  
 tutum omnium plenum est, atque refertum, ut quemadmodum ni-  
 hil magis hoc loco necessarium, ita politius atque absolutius his ver-  
 sibus aut inueniri, aut excogitari nihil possit. de quorum tamen  
 virtutibus nobis iterum adhuc et tertio sese offeret dicendi locus.  
 Quibus quidem rationibus aptissime colligi posse mihi videtur;  
 etiam si aliquo errore Poetae repugnantia haec contingere uideri pos-  
 set (cui ne ipse quidem rei assentior) eam tamen plagam potius acci-  
 piendam, quam versibus huiusmodi resecatis, totum locum inquinandum  
 esse, contradictio enim ipsa aliquid disputationis habet. hoc ve-  
 ro tolerabile non est. Quantum autem ad Tuccam ipsum spe-  
 ciat, Varumque, haud quamquam hosce equidem versus sustulisse  
 eos puto, sed id pro commodo commentas veteres sibi esse Gram-  
 maticos, quippe qui questionis huius solutionem omnem despe-  
 rassent, cum et in quibusdam alijs huiusmodi satis constet illos esse  
 mentitos, ut auctor vitae Virgilij, quae Aelij Donati nomine cir-  
 cunfertur, cum librorum inquit ordinem ab iisdem correctori-  
 bus fuisse mutatum, quo quid est, quod minus uerisimile credibi-  
 leque dici, aut excogitari potuerit? Sed occurrit illud quoque, ver-  
 sus ipsos in aliquot editionibus non inueniri, quae tamen si Gram-  
 maticis ijs, qui hoc tradidere, posteriores fuerunt, contemno ear-  
 um fidem, quippe quae ab isto fonte profluxerint omnes

atque dimanauerint. Si vero antiquiores, et nihil moueor, quia multo pauciores ea, nec meliores erunt. et alioqui nihil miror, quoniam id non in Virgilij solum, sed in aliorum magnae auctoritatis veterum Poetarum libris, interdum contingere consuevit. cum tamen satis constet plerosque, in quibus illi minime reperiuntur, co dices, qui nunc pro antiquissimis, et quasi Archetypis habentur, ijs fuisse, qui hoc tradidere, Grammaticis posteriores. Concedamus tamen hoc Poetarum Turcae Variisque prauiudicium extitisse, in quorum sententiam non Grammatici modo post, sed librarioli quoque ipsi transferint, non tam auctoritas in hoc iam, quam rationis momenta quarendae sunt, neque id quod correctores huiusmodi voluerunt, aut opinati sunt, ita fixum esse debet, ut nulla conuelli ratione liceat. Dicant igitur isti mihi, cur non potius illos ex sexto, quam hos ex secundo versus Turcae et Varus exemerint: at qui non magis librum illum Poeta, quam secundum emendauit, quin eorum potius, quae à Criticis culpanitur interdum, maior ferè pars in eo notata libro reperiuntur, ut vel hoc argumento videri possit, errorem (qui cuiusmodi sit iam videro) in sexto potius, quam in secundo fuisse suspicandum, praesertim quod de hac Helena prodizione, quae Deiphobus dicit in sexto, ceteri Poetae minime tradiderunt. Quae vero li. II. Aeneas ait (ut suo loco videbimus) cum ijs, quae tradita sunt ab alijs plane consentiunt. Quid quod si decem et octo inde versus eximas, et aliquanto minor erit versuum iactura, et oratio cohaerebit, et nihil prorsus deficiet, aut desiderabitur, quod hac parte nequaquam accidere, luce clarius est, hoc modo scilicet.

At me fata mea, et scelus exitiale Lacanae

## Q V A E S T I O

*His mersere malis, illa haec monimenta relinquit. ut sequatur statim, Sed te qui viuum casus? & cetera. tanquam multa sint quae in hanc rem de Helena dici possint, referre tamen ea pigeat pudeatque, praecisa videlicet, velut ante legitimum finem oratione, non autem reticentia illa, quae sit imperfecti sermonis (ut Fabius ait) sicuti & Sinon in libro secundo.*

*Sed quid ego haec autem nequicquam ingrata reuoluo? Quibus quidem & Aeneas ad omnia responsum erit, & in hoc quid factum sit Deiphobus dicet, non autem quemadmodum factum fuerit enarrabit, quod illius etiam pudori fortasse conuenire magis videatur, Quodque in his etiam fecisse eum constat. cum dixisset enim infra Irrumpunt thalamo, comes additur vna Hortator scelerum Acolides, infert statim*

*Dij talia Graijs*

*Instaurate, pio si poenas ore repesco. totam enim casus sui calamitatem praeterijt, praepudore nimirum rem, licet iam cuius perspectu haud difficilem, dicere reformidans atque refugiens, Ulyssis consilio, Menelai manufactam. & hoc enim quasiuerat Aeneas prius cum dixit,*

*Quis tam crudeleis optauit sumere poenas? & quae sequuntur. Versus autem tam ex secundo hos, quam sexti illos Poetae esse, licet negarunt nonnulli, Aristarchum forsitan imitati, qui Homeri (ut Cicero inquit) versus negat, quem non probat, Doctiores tamen confitentur, & conuincerentur si negarent. Sed propterea hos potius eximendos dicent fuisse, quam illos, quoniam turpe (ait Seruius) viro forti, qualem Aeneam profecto*

Poeta ubiq; introducit, contra ſœminam irasce, validiſſima proſectò ratio, qua non pulcherrimum locum modo, ſed totum liberum iſs demptis verſibus commaculemus, tamenſi duplex in vna re Poetę. nec contemnendum quidem illud peccatum eſſet, ſi & parum decentem morem, & ſibi non conſtante, atq; in aquabilem induxiſſet. Ut mittam autem q̃ ſi furens Cneę hæc in mulierem iracundia, contra dignitatis atq; exiſtimationis eius rationem accidiſſet, quem Poeta ad omnem virtutem, dignitatem, gloriam finxit atq; formavit, in Græcos ipſos Duces ac Principes illa, non ex acriore dolore, ſed ignorantia ſui, temeritate atq; amentia, furor quidam potius extitiſſet, & cum non modo nullam prorsus haberet vlciscendi vim, ſed ne ſibi ipſi quidem opem in extremo discrimine ac dimicatione vitę, ferre valeret (quare & diuinum Poetę auxilium introducendum fuit). ridiculi potius quàm terribilis appellationem, iuxta Platonis diuiſionem illam ex Philebo, ſubiſſet, contra quam in XII. cum

Furijs accenſus & ira

Terribilis, ait

Tu ne hinc ſpolijs indute meorum

Eripiare mibi & ut totam iſtam rationem inquam omittamus. aut taxandus Poeta non eſt, ſi Cneam paulo etiam longius quàm fortis ac ſapientis viri cogitata ratio poſtulaviſſet, progreſſum induxit, & ferocem animo iuuenem, & pio dolore, ac iuſtiſſima iracundia, ad expetendas crudeliſſimi ac luctuoſiſſimi Patrię excidię pœnas, excitatum, atq; inflammatum (principium enim, ut Plutarchus ait, ad iram animum impellens atq; incendens, cul-

pa magis eum liberat, qui maiore causa veluti vulnere grauiore accepto à virtute desciuerit. et de fœmina quidem illum, sed de ea tamen fœmina; quæ Troianis causa belli, causa pestis, atq; exitij fuit & quæ ita se obtulisset, vt in eam non inuasisset, sed incurrisse illum constet. solum etiam tale cogitantem, ac meditantem facinus, remotoq; ab arbitris loco, si hoc aliquid quoq; ad rem pertinet; quod apud Platonem eundem Socrates asserere videtur de Repu. li. X. & qui negotium, quod amens consiliarius iracundia dolorq; dictabat, postea tamen non transegerit, sed castigatione adhibita, officij finibus se continuerit, aut totus quartus liber ille delendus, in quo non ira eum iam, sed cupiditatum eius seminis generisq; intemperantiorem facit, quæ longe turpiora iracundis incontinentia esse, multis validissimisq; rationibus conuincit Aristoteles Ethicorum li. iij. Imitatrix autem Poetica est quadam morum vitæ ac hominum, vt Plato atq; Aristoteles docent, non tam perfecta tamen cumulataq; virtutis, vt ne vel tantulum de recta regione deflectant, sicuti Plutarchus in eo li. scriptum reliquit, cui titulus πῶς αἰὲν τὸν νείον κοινυάτωρ αὐδαίν. nec semper mores Poeta ad disciplina præcepta perpendunt, verum ad communis humanitatis sæpe etiam rationem dirigunt, nec quales tantum esse homines oporteat, sicuti Sophocles, verum etiam interdum quales sunt, quod de Euripide dicunt, effingere solent, quod quidem tantum abest vt vitij culpam subeat, quod tanq; & ad persuadendum, & ad commouendum, & ad perturbandum, atq; irritandos animos prorsus necessarium, ab ipsomet Aristotele in Poetica præcipi mihi videatur, necnon & ab Horatio in arte cum ait

Respicere exemplar vite morumq; inbebo

Doctum imitatore, & veras hinc ducere voces. veras. n. inquit, non ad exactam illam sapientiae Stoica rationem fidas, quam mortalis adhuc consecutus est nemo, cuiusq; solidam & expressam effigiem nullam tenemus, sed ex ipsis naturæ ac veritatis exemplis ductas, atq; ex ijs, quæ sunt in usu vitæq; communi. in hominibus vero, licet quantum homines possunt naturam optimam viuendi ducem assequantur, non semper ratio præest, appetitui vero iræq; obtemperat, in iunioribus præsertim, quos quidem quoniam contemni se ac despici, honoris cupiditate, qua laborant maxime, non sustinent, sed agre ferunt, cum iniuria se affici putant, iracundiam nec regere, nec continere posse, Arist. testis est. Sed quis obsecro Cinea ipso melius (nam quid Poetam hoc loco ipsum dicam?) id quod obiectum est intelligit? non modo restinctis iam animorum incendijs, ubi rem transactam & præteritam multo post Didoni enarrans ait Talia iactabam & furcata mente ferebar. Sed tum cum in media hæreret iracundia atq; furore, inquit,

Et si nullum memorabile nomen

Fæminea in pœna est, nec habet victoria laudem. in eo tamen Poeta nimirum & doloris illo tempore magnitudinem quo Cneus animus ardebat, ostendere, & qualis Iracundiæ vis, ac natura sit, in illius persona exprimere voluit. Videtur autem audire quidem rationem ira, vt Arist. Ethicorum. VII. li. docet, non plene tamen perfectèq; audire perinde ac ministri qui velociores sunt, Qui priusq; id quod dicitur totum audiuerint, præcurrentes, aberrant in re agenda post, similiter & canes, qui priusq;



amicum internoscant, modo obstrepuerit, latrant, sic propter caliditatem ira velocitatemque naturæ, audiens illa quidem mandatum tamen non intelligens, rapitur in ultionem, ratio enim seu phantasia, contumeliam esse contemptum'ue significat, hæc autem cum quasi rationatione collegerit, eundem obuiam esse, statim insurgit, acciditque tunc quod Demosthenes scriptum reliquit. Siquis repente considerationem præcurrans efferatur cum ὑπερισμῶς agere necesse esse, quod Ἀνδρῶν Plato (ut Galenus testis est) dixit, hinc et incontinentiam iræ minus esse quam aliarum cupiditatum turpem Aristoteles idem (ut diximus) existimat, sunt enim cupiditates ferè omnes contra rationem, ira vero cum ratione, non ita cum ratione tamen, ut ratio imperet, sed inuectam contumeliam, causam'ue significet, sicuti Proble. etiam Segmento XXVIII scriptum reliquit. Ira vero quatenus et quomodo rationem ipsam audiat, mire' his versibus Poeta demonstrat, illorum enim omnium speciem obiecissee ei phantasia videbatur, quæ supra recitata sunt à nobis,

Scilicet hæc Spartam incolumis, patriasque Mycenæ  
Aspiciet? et cetera, Quibus illa quidem vix dum auditis, commota statim insurgit, inquiens

Non ita. Quoniam autem obicere eidem tursus ratio potuisset, ut foeminam manuque aut superare ac vincere, aut ulcisci et punire, nec virile, nec laudabile, eniti enim aduersus id quod longe infirmius sit, et solidum atque iniquissimum potius est, inquit Aristoteles, audita quasi voce rationis ira, quæ cum semel antegressa illam est, postea non facile subsequitur, nihilominus ulciscendum esse,



dum esse, rationes opponens, nec probabiles fortasse, nec satis idoneas, colligit atq; constituit.

Extinxisse nephas tamen, & sumpsisse merentis  
Laudabor poenas, animumq; expleſſe iuuabit

Ultricis fame, & cineres satiaſſe meorum. Huiusmodi enim rationibus, ἀντικατάθετον ἀνικνωῖτα videtur, qui locus apud Aristotelem, per quandam (vt ita dicam) permutationem, compensationemq; diluenda est dissoluendaq; calumnia. si non laudabor enim (inquit) in illo quod foeminam, at laudabor tamen quod merentem vltus sim, & quod non nephariam foeminam quidem, sed infestum quoddam ac immane nephas, scelus, ac facem extinxerim, atq; deleuerim, & si decus inde mihi ac nomen non comparabo, (neq; enim fortitudinis opus id vel indicium est) at voluptatem consequar tamen, quod meorum cineri satissecerim. Et cum duo diuersa iam dixisset in illis,

Subit ira cadentem

Ulcisci patriam, & sceleratas sumere poenas. differunt enim vltio & poena, vt Aristoteles docet Rhetoricæ artis libro primo, ἢ μὲν ἰδὲ νόλασις τὸ πάχοντος δὲ νέει (inquit) ὅτι, ἢ δὲ τιμωρία τὸ ποιοῦντος, ἢ αὖ πλεονῶν. vtrumq; hoc loco Æneas attigit, huiusmodi (vt opinor) inita subductaq; ratione, scelestam ac merentem punire iustum est, iustum autem omne laudabile, vnde & laudabilem iracundiam pro iusta dixit in Sestiana. M. Cic. & quemadmodum iustitia fortitudini preferenda est, ita id quod iuste, eo quod fortiter fit, magis (vt Philosophus ait in Topicis) eligendum. Vindicare vero & Patriæ & Cinium meorum cineres,

# Q V A E S T I O

non laudabile modo ( si & perferre contumelias , & suis negligere , servile est ) verum dulce atq; iucundum . id enim adipisci iucundum , cuius frustratio est tristis , irati vero nisi dolorem suum ulciscantur magnopere anguntur , sperantes autem , iucunditate quadam ( ut diximus ) perfunduntur , ut si quando consecuti sint id quod eis fuerit concupitum , maiorem alacritatem ferant . unde & Ethicorum li. iij. ἡ δὲ τιμωρία ( inquit ) παύει τῆς ὀργῆς , ἡ δὲ ἄντι τῆς λύπης ἐπαίδει . Rapiente igitur ad se iracundia rationem , ad Deum profecto confugiendum Poeta fuit , quamobrem recte illum apparere ex improviso hoc tempore Venerem fecisse dicendum est , nec Spartana tamen virgini , aut venatrici simulatam , sicuti post Troianum excidium quidem , ante hunc sermonem vero Carthagini habitum in Libya desertis fecerat , sed quae se deam plane confiteretur , talemq; , Qualis videri

Calicolis , & quanta solet , ostenderet , ut Aeneam ab eo quo ferebatur impetu , iraeq; furore , a factoq; crudeli & turbulento , damnum ac dolorem allaturo , ad rectam rationem , nec ad iucundum modo , verum iustum , atque debitum , utile , nec minus necessarium , officium reuocaret , atque inde illum ( quod nulla quidem aliter fieri ratione poterat ) tutum educeret , non modo non esse in Helenam adeo inique sapiendum , vel cum Dijs ipsis potius pugnandum ostendentem illi , verum , validiores etiam rationes , suis ipsius rationibus opposentem , cum ait .

Non prius aspicias ubi fessum aetate parentem  
Liqueris Anrbisen? & quae sequuntur . quandoquidem incensam iam

patriam, extinctum iam Priamum, amissos ciues ac socios vindicare, parentem vero senio confectum, coniungem, ac natum adhuc puerum, trucidandos hosti relinquere, Helenam quantumvis scelestam ac merentem punire, immerentes vero ac pios, Dijs etiam gratos atq; coniunctos (vnde illud

Quo nostri tibi cura recessit?) non tutari; sed desertos potius esse pati, fœmina, cui nocere viro forti indecorum ac turpe est, vim ac necem inferre, ab illis autem quibus non succurrere turpissimum, parente, filio, ac vxore, non repellere, breuem vltionis dulcedinem, cum perpetuo dolore, ac incomparabili iactura commutare, id stolidi quidem certe ac vere furentis erat. Argumentum vero Cneæ illud in τὸ πρὸς Ἀλλὰ false ratiocinationis deceptionem παρὰ τὸν ἔλεγον habet, scelestam enim ac merentem pati iustum quidem est, at non Helenam ab Cneæ, mulierem à viro non animo solum & virtute, verum etiam pietate præcellenti, at non tali loco, inter aras & focos, atq; adeo in deorum ipsorum conspectu, at non in illo temporis articulo, cum Helenæ mors nihil iam esset amplius profutura, mora autem omnis vel minima, & suis omnibus obsutura, de quibus Venus dixit

Quos omnes vndiq; Graia

(Circum errant acies, & ni mea cura resistat, (cum tua. s. aliò tam repente traducta sit)

Jam flammæ tulerint, inimicus & banserit ensis. inter quos Ascænius puer erat

(cui regnum Italiæ Romanæq; tellus (vt Poeta inquit) debetur, & sibi etiam maxime, cui propria salus prodenda non erat,

# Q V A E S T I O

Qui enim aliorum custos sit, cum sapientes sui primū capitis aiunt custodem esse oportere inquit Cicero. Satis igitur persuasum esse debet pulcherrimos sanè, ac verè Virgilij versus deesse ijs, quos illos exemplaria non habent, nec ab huiusmodi alienorum librorum correctoribus, atq; emendatoribus adeo temere delendos fuisse, tametsi Iliados . I . & Aristarchum ipsum Grammaticum tali quopiam quo & nostri metu perculsum, versus aliquot expunctisse, apud Plutarchum inuenio, in quibus Phœnix de parente interficiendo, iratum olim ac iuuenem se, ob furtales eius execrationes, cogitasse fatebatur, cum pellicem tamen senis ipse prius, impellente atq; urgente matre, constuprasset, Quos, cum si pereant quidem nullum prorsus loco illi relicturi desiderium sui sint, & aliquid inter mulierem profectò, parentemq; atq; ipsas etiam causas, intersit, non adeo intempestiuos tamen esse Plutarchus censet, vt ab Aristarcho fuerint propterea ingulandi. si modo Achillem quis Phœnice olim præceptore vsum consideret, qui iisdem solitus sit ignibus exardescere, nam ad persuadendum placandumq; Achillem illos tunc temporis prudentissime adhibitos, satis ostendit in libro πῶς αὖ τις διακρίνει τὸν νόλον τὰ φίλα. Sed missa nos HomERICA faciamus, ad Virgilium redeamus. restituantur inquit suo loco versus, quando ita necesse est, ignoscatur Cnēs, quoniam facilius quàm Phœnici posse videtur, Poetę vero qui non secum minus ipse pugnet, quàm cum correctoribus atq; emendatoribus istis tu, quomodo ignoscas? atqui iampridem huc nos fremitus ( vt ille inquit ) vocabat. Quid autem si quis nullam forte in his contradictionem

esse dicat & aut si minus tueri possit id, cum esse confiteatur quidem, non imprudenter tamen esse, sed consulto à diligentissimo Poeta factum ostendat & ut rectè etiam inquires, atq; ex arte defendat, deterius enim quid esse videtur facere aliquid, quod scias non licere; quàm omnino nescire quid liceat. Aut nullam igitur in his repugnantiam esse, aut si sit, tamen consulto id à Poeta, ac secundum artem factum probandum nobis est. & Grammaticorum profectò, commentariorumq; officium illud est, si quando Poeta loqui pugnantia videatur, ea non excimendis versibus, sed exponendis rationibus concordare, & linum (ut dicitur) lino connectere, nec sunt enim multa plerumq; quæ videntur esse contraria, nec indecens interdum, aut contra artem est, à Poeta contraria audire, quod infra planissime ostendemus. prius ergo ut videamus an aliqua in his sit repugnantia necesse est, deinde utrum ex eo genere videatur quæ poetico iure defenditur. Urbe igitur iam, atq; vrbis & Priami Regis arce non modo capta atq; oppressa, sed excisa atque eversa, Cneas Helenam in eodemmet loco repertam, in quo iam inde à principio & mariti & reliquorum Græcorum ac Troianorum metu affecta, sese occultauerat, vidisse dicit, nec vidisse modo, sed ira incensum, ac dolore animi incitatum, interficere eam voluisse, necaturum etiam fortasse, nisi Venus ita animatum cum prorsus continuisset. sed de singulis versuum ipsorum sententijs breuiter disputandum est, ait autem.

Jamq; adeo super vnus eram, solus inquit supereram, etiam Priamo ipso videlicet ferro, nedum ijs quibus in periculum capitis, atq;

# Q V A E S T I O

in vita discrimen sese inferre opus fuit extincto, ut si è manibus meis Helena, ac ferro esset elapsa, à Troianis prorsus iam tu-  
ta esset.

Cum limina Vestæ

Servantem. hoc est solam eo loco inclusam atque abditam (ea enim in verbo vis esse videtur) &

Secreta in sede. in qua & incolumis servata ad extremum prope-  
iam & excidij, & noctis erat, & servari in brevissimum illud  
1, quod supererat facile tempus poterat. latentem autem & tacitam,  
quippe quæ non tam muliebrem quendam ac necessarium metum si-  
bi, quàm diligens quidem atque anxium conservandæ vitæ studium ac  
desiderium, sic delitescendo præ se ferre videretur.

Tyndarida aspicio. præter expectationem meam, omnino viuat  
atque incolumem, vivere etiam cupientem ac sperantem, unde &  
doloris illi atque iracundiæ causa omnis atque origo, cui indi-  
gnissimum facinus videretur, si quæ sola deliquerat, cui omne  
supplicium, atque omnis iure optimo pœna deberetur, im-  
munis sola ab omni vexatione fuisset, atque ex communi incen-  
dio, quod sola conflauerat, sola incolumis evasisset, nec evasis-  
set in horam usque eam modo, quod fieri vix potuisse in tan-  
to omnium odio, ac urbis naufragio videbatur, sed evasura in  
posterum, ac planè iam è vadis emeruisse, & portum tenere  
videretur, ut tametsi non Troianorum magis, quàm mari-  
ti ac Græcorum metu affecta, initio se abdidiisset, & conscien-  
tia peccati, iustum omnium odium pariter pertimisset, à Tro-  
ianis tamen, fortune quodam beneficio, iam secuta, cum concia-

tata Gracorum multitudinis impetum effugisset, eorum iam cogitationes amplius, mariti vero multo minus, pertimescere non debere videbatur, quorum profusa omnium atque eiecta in Diophobum iam esset, atque alios innumeros iracundia, quodque illam quam ad mortem propter vitæ turpitudinem, ac illatum maius omnino, quam quanti ipsa esset, damnum, confugisse, diffidentem iam penitus ac desperantem rebus suis, crediderat, vitam non modo non deseruisse, sed omni studio ac diligentia, tanquam ad certam aliquam spem, servare conantem repperisset. Quam vero incolumem evasuram non temere suspicaretur (quod ipso fuit post exitu comprobatum), ex Ilij flammis atque cineribus tanquam Phœnicem alteram evoluturam, et quasi facinus præclarissimum fecisset, maximis exultantem ac triumphantem gaudijs, cum viro demum in patriam, ad parentes, fratres, natos, necessarios, amicos redituram non dubitabat, unde et illa omnia sunt de quibus sat superque supra iam diximus.

Scilicet hæc Spartam incolumis, et quæ sequuntur. totus enim locus notus est, quasi futura illa omnia cerneret, quæ et secuta sunt post, nisi Helenam ipse eo tempore (quod non fecit) vita privasset, et occultiore quadam alia contemptus ac desperationis semina colliguntur, nam cum dolorem intulisset Helena, in suo illo conservanda vitæ studio, pro eo ac deberet ipsa non curare, nec contraria iis quæ fecerat velle, cuius suspicionem iniicere potuisset, irato vero ac iam furenti, in urbis etiam, quam ipsa extinxisset, funere, exultare sola, ac tripudiare, atque in Troianorum infortunijs latari omnino atque alacrem se esse, vel facillime persuadere. Quadam



# Q V A E S T I O

vero & ijs ingratitudinis etiam atque impudentis mulieris illius cogitatio suboriebatur . quæ ( vt Aristoteles inquit ) contemptus ac despicatio est . quod contraria prorsus Eneas demum ( vt iam diximus ) ijs quæ circa Helenam acciderant , atq; offenderat , expectabat , ac sperabat , acriore omnino iracundia incensus est , longe maiorem enim quæ sic præter opinionem accidunt ( vt idem inquit ) dolorem afferunt , quemadmodum delectant etiam multo magis , si præter expectationem quæ voluissemus , euenerint .

Necui vero mirum à quoq; , aut Troianorum , aut Græcorum , visam illam prius atq; inuentam non fuisse videretur , propterea etiam & latentem inquit , & secreta in sede , vt ne illud contra quenq; moueret , quod sic abdite ( vt ait ) latens , à seipso reperia sit , addidit

Erranti , passimq; oculos per cuncta ferenti . Quarebat enim socios vt infra dicemus . Et quia noctis tempus esse memor erat , nec minus obscuræ illius quidem , quàm lucuosæ ac funestæ , quod dixerat ,

Tacitæ per amica silentia luns , cuius beneficio , suos quoq; ipsius oculos subterfugere , ac latere potuit ,

Dant ( inquit ) clara incendia lucem . Deiphobus vero , & Eneas quidem ipsi enarrat , Helenam suprema illa nocte simulatione chori igne Græcis ex arce signum dedisse , Menelaum in domum seipso arctius dormiente vocasse , sublatis armis omnium generum , atq; ense etiam suo ipsius capiti subducto , hunc verò comite Ulyssæ ingressum , sic laceratum eum interfecisse , quæ quidem nemini dubium pluribus rationibus inter sese vehementer repugnare



repugnare, constat enim secundum Poetam ipsum, quod Deiphobi domus expugnata prius, incensaq; à Grecis est, quam Æneas domo exiret, dolosq; eorum agnosceret, quod aperte ostendit in illo

Iam Deiphobi dedit ampla ruinam

Vulcano superante domus. In quo consona & Homero ipsi dicit, apud quem Odyssea. ⑥. ubi & de Durateo illo egro, atque vrbis captiuitate canens in Phæacum epulis Demodocus paucis narrat versibus, fortissimos quosq; Grecorum simulatq; ex equi ipsius latebris atq; vtero erupissent, diuersos, alium aliò, abijisse vrbem diripientes legimus, Ulysssem vero vnà cum Menelao ad Deiphobi ipsius domum impetum fecisse, ex quo inter primum tumultum illa & capta & incensa est. Si in ea igitur Helena iam tum inuenta in potestatem Menelai peruenerat, vltroq; se illi obtulerat, quomodo multo post ab Ænea ipso alibi videri, celans se, & virum adhuc ipsum metuens, atque affectum & presentiam eius vitans, potuit? Quomodo in Arcem ipsam aufugisset? cur Menelaum reliquisset? cur de eo quo cum conuenerat diffideret, cur eum fugeret, cui se obtulerat vltro? aut quid ab eo metueret amplius, cuius mentem initio audiuiisset, post esset experta? Illa enim vehementer inter se confligunt, vocasse ac fugere, timere, ac confidisse, dubitare, ac conuenisse. Sic Ænea igitur & Deiphobi dicta pugnare inter se videntur, duorum autem contrariorum alterum profectò fieri potest, vt neutrum (inquit Cicero) alterum certè non potest, vt plus vno verum sit. (considerandum tamen est ante omnia quod rem Æneas quam scire faci-

# Q V A E S T I O

le poterat, atq; in loco enarrat, vbi causa cur mentiretur non erat.  
vt mittam enim quod non opinione aut auditione dubia; sed visu  
exploratissima sibi atq; compertissima iam inde ab initio apud Di  
donem vere expositurum sese promiserat, cum dixit

-Qua'ip ipse miserrima vidi. in hac quidem parte, non su-  
spicari se, sed scire, non audiuisset, sed vidisset, non interfuis-  
set, sed egisse dicit, nam & non vidisset se eam modo, sed & lo-  
cum in quo viderit indicat

-Limina Vestae

Servantem. quomodo etiam se habentem atque affectam, cum &  
sedentem, & tacitam reperisset se eam dicit, quippe quae  
& iam inde ab initio valde, nec sine magna ratione timuis-  
set, & multo magis profecto cum Aeneas illi improviso inci-  
disset, silent verò qui metuunt, vt proble. sectione xxviij. Ari-  
stoteles docet. Timebat autem

-Sibi infestos euersa ob Pergama Teucros

Et poenas Danaum, & deserti coniugis iras. in eo igitur falli potuit  
fortasse quod ait

-Mibi fama suprema

Nocte tulit, fessum vasta te cade Pelasgum

Procubuisse super confusus stragis aceruum. fama enim & falsa re-  
ferre potuit, vnde alibi

Nec iam fama mali tanti, sed certior auctor

Aduolat Aeneas, quasi incertior auctor ipsa sit fama, in hoc verò  
ipso nequaquam, quod non ab alijs sibi allatum, sed a seipso com-  
pertum dicit, & in quo non auctorem ex sermone rumorem, sed

ex visu oculorum suorum sensum (ut iam diximus) habuerit.

At Deiphobus ipse profecto, licet non vidisse modo, sed sensisse etiam, optimo veri iudicio dici potest, sciscitanti Aeneas tamē, qui ita crudeliter illum manibus, auribus, naribusque truncasset, toto demum corpore lacerasset, quod tantum turpe sibi ille esse putabat, quantum Poeta ostendit in eo.

Vix adeo agnouit pauitātem, et dira tegentem

Supplicia. ab uxore proditum se fuisse respondit. Quis igitur non videat ante omnia cui proclivius faciliusque credatur? est enim verisimilius hunc mentiri cuius interest, quam illum qui rem tantum a se visam enarrat, quemadmodum vero eum qui sic concisus ac contrucidatus esset (quod indecorum sibi valde putabat) aliqua in excusationem sui commentum forte incredibile non sit, ita et eum qui sic decessisset, multa quae facta non erant, facta credidisse necesse est, nonnulla verò longe aliter atque gesta fuissent opinatum, ut in hoc aut fallere ipsum, aut certe falli, non absurde dici posse videatur, aut mentiri. s. excusantem se, aut quod opinetur sic et ipse mendacium dicere, ipsa videlicet rerum fornicatarum concursione deceptum, suspicari enim hoc potius illum quam comperitum habere, vel ex suspiciosa ipsa gesti negotii explicatione colligitur, quae cum probationis semina debent procul omni dubio continere, ut certè continet, et (quod in coniecturali controuersia plerumque solet accidere) non tam rei, quam eorum per quae res colligenda est, expositionem habeat, tota profecto signis, et indicijis, ceterisque locis quibus augetur suspicio referta est, manifesto satis argumento, nihil illum habuiss-

se cogniti, nihil comperti, qui suspicionum omnes latebras peragravit. Veruntamen unde & quando Deiphobus ab Helena proditum se fuisse rescivit? aut antequam necatus est profectò, aut post, aut in re ipsa, dicere necesse est. ante vero, procedere nullo pacto potest, nedum enim se, verum etiam patriam, parentes, ciues, ac socios ab imminente liberasset exitio, non modo non intellexit igitur, sed neq; suspicatus est etiam. Post mortem vero utrum ex aliquo, qui non modo in aeternam illam (ut Cicero inquit) domum, sed bello clarus in eadem etiam secreta proximis decessisset, audiuisse? an diuinantem potius ipsum per se vidisse dicendum? Quem vero rem ad eum, quæ non fuerat (ut hoc loco dicamus, quod infra magis patebit) apud inferos detulisse dicamus? at qui ne consingi (ut opinor equidem) tale aliquid ullo pacto potest. Sequitur igitur diuinantem illum, quæ ante obitum prorsus ignorauerit, postea intellexisse, ut cum corpore excesserint diuinare solent animæ, sed hoc admittere in Deiphobo nullo pacto possumus, ut enim cetera omittam, illud omnino manifestum est, Virgilium defunctorum omnes Animas nequaquam diuinantes inducere, sed paucas tantum quas purgata iam essent, latæq; tenerent arua, qualis apud illum est Anchises. Hinc & Palinurus enim apud inferos constitutus, mortis suæ ignorat auctorem cum ait

Nec me Deus æquore mersit, male enim Donatus Serniusq; distinguunt legentes

Necte Phœbi cortina fefellit, nec me, ut sequatur, Deus æquore mersit, insulsa enim & inepta Palinuri responsio fuisse

si *Aeneas* interroganti

- *Quis te Palinure Deorum*

*Eripuit nobis?* respondisset, *Deus*, ut si dicenti, quis homo te percussit? ita occurras, homo, non potius *Socrates*, aut *Gallias*, aut non homo, sed *asinus*, sic enim & *Solæcis*mus fieri posse putatur, cum responsum ab interrogante dissentit. *Donatus* vero cum dicit, cognovit vim illam esse diuinam, sed quis *Deus* fuerit, ignorat, quia non vidit nisi *Phorbantem*, quasi id quod alibi legimus, esse velit

*Quis Deus incertum est*, habitat *Deus*. tamen si *Palinurum* non diuinare satis ostendit, contra quam *Seruius* opinetur, vix satis mihi tamen illud attendisse videtur, quod duo quaedam sunt, & *Deus*, & casus, unde saepe apud *Poetam*

- *Casus*ue, *Deus*ue, & *M. Cicero*. ij. de diuinatione libro

magis enim (inquit) id munere *Deorum* factum est quam casu, & saepe alibi. *Palinurus* igitur de *Deo* interrogatus, non *Deum* sed casum fuisse respondit, quod ab *Aenea* videlicet propositum fuerat negans, & aliud asserens non dictum ab eo. Hoc autem significat illud forte, qua locutione inopinatus casus denotatur, ait enim

*Namque Gubernaculum multa ui forte reuulsum*

*Præcipitans traxi mecum*. *Deum* enim *Palinurus* fuisse ut ante non vidit, ita neque illo tempore nouerat, de *Phorbante* autem nec suspicatus est, nec vero etiam debuit, *Deus* enim illius, ut amicus, fidelis, socii formam sumpsit *Palinuro* persuasurus. dormientem vero cecidisse sese dicere noluit, quo peccasse videri

# Q V A E S T I O

poterat, si & ille cui vigilandum erat maxime dormiebat, de quo legimus

-Ad hunc alij cursum contendere iussi. et qui expertus esset, placidi  
(vt poeta nobilis inquit) Ponti pellacia deceptus sit, unde aneg' illud.  
O nimium cælo, & pelago confise sereno. Quare cum nihil tam ca-  
pax fortuitarum sit quàm mare (inquit Tacitus) ad casum confu-  
git, fortuito se, non negligentia præcipitasse dicens. In factò  
igitur tantum superest, vt rem Deiphobum nouisse dicamus, sed  
expositio ipsa negotij id nequaquam videtur ostendere, quæ tota (vt  
iam diximus) opinabilis est, coniectura enim nititur, cuius il-  
le signum non habet, quod necessario rem arguat. Signa verò hæc  
potissimum Deiphobus habuisse manifesta uidetur, & quod noctu in  
cubiculari lecto suo, nec opinato oppressus, & ab ipso quidem Me-  
nelao est atq; Vlysse, quod ait

Quid moror? irrupunt thalamo, comes additur vna  
Hortator scelerum Colides, & q' ipso in tumultu, cum sic in thala-  
mum hostes irrupissent, vt prius illorum gladios vidisset, quàm  
quæ res esset audiisset, somno excussus ipsum sub capite ensen non  
inuenit, hoc autem ex eo coniicimus quod dicitur

- Arma omnia teclis

Emouet, & fidum capiti subduxerat ensen. quæ in factò tantum,  
(vt iam diximus) cognoscere Deiphobus potuit, demum quod  
Helenam ipsam fortasse, postea quàm somno se dedisset, nun-  
quam amplius viderit, quod innuere videtur in illo

At me confectum curis, somnoq; grauatum

Infelix habuit thalamus, quasi dicat illa eborum adhuc simulante,

et circumducente Phrygias mulieres, quæ signa coniuncta rei ipsi sunt, et sine ulla quidem approbatione pro perspicue veris accipienda, quo eum falli omnino sequatur. ijs enim negatis fallere dicendum esset, quorum alterum Deiphobi persona magis suscipere videatur, alterum Homeri auctoritas confirmare, cum durum illud ait difficileq; fuisse certamen, ut fama etiam vera ad Æneam tulisse ea nocte videri possit, uasta illum Pelasgorum cæde defessum, super confusa stragis acervum procubuisse, quod factum ab inermi credibile non est, ab eoq; qui imparatus inuentus, atque adeo oppressus sit, quod verò de Ulysse non mentiat, et Menelao cum ait,

*Intra tecta vocat Menelaum. et paulo post*

*-Comes additur una*

**H**ortator scelerum Colides. quos ambos et Homerus Demodoci persona nominat, quemadmodum si in alijs quidem suspicatur, nimis perspicue profecto ac verè Deiphobus id cognoscere potuit, ita falsis etiam vera nonnulla permiscens, securius in reliquis fortasse mentitur. Dicamus tamen verè illi omnia sicut ipse enarrat contigisse, ut cum arguere suspiciosè possit, criminosè fingere non videatur, ipsaq; controuersia consistat, suspicari Deiphobus nec si ne magna quidem ratione potuit, apertam ab aliquo Menelao donum fuisse, enseq; puluino cui incumberet, subductum, quæ quidem suspicio cum intra parietes, in domestico scelere versetur, ad quem alium domi quàm ad Helenam ipsam, tam ante acta illius vitæ existimatione, quàm causa pertineret? nam et persona motus est cum per Ironiam dixit



Egregia interea coniux, neque enim creditu difficile ab Helena Deiphobi salutem proditam, à qua primus ipse vir Menelaus desertus fuisset ante, in hoc enim crimine non tunc primum et illa inuenta est, et Ledaam Hermionem lacedaemoniosque hymenaeos, Andromache ita dixit libro. iij. quasi fatale id quoddam etiam esset, domesticumque ac vernaculum. Illius igitur persona credibilia facit quod Deiphobus suspicatur, atque etiam causa facti, neque enim et causa praetermissa est ab illo cum ait

Scilicet id sperans magnum fore munus amanti,

Et famam extinguere veterum sic posse malorum, ut aliquo insigni indicio placare studeret, quem iratum putabat, et suspicionem omnem exstingeret, quod ultro Paridem secuta sit, quasi et ante rapta fuerit inuita, quod libenter redierit, et ultro sese obtulerit. quod adeo quidem et in illius quae egisset naturam, et in eius qui audiret opinionem quadrare apte Poetae, seu Deiphobo potius (is enim loquitur) visum est, ut in eo commorandum non duxerit, inquit

Quid moror? huc et alia signa illa manifesta pariter accedunt, quod gestum negotium praecesserunt, quod et facem tulerat, et eborum duxerat, unde fraude Helena egisse visa. cum enim ea gessisset ante, quod ipse etiam fieri ab ea viderat, ea vero postea sint consecuta, facile hac suspicionem percussus est, Helenam rei consciam, consulto illa non fortuito, nec temere, vera non falsa gestientem latitia, et insidiarum causa fecisse. nec ipsa vero absuit occasio, tum priuata, tum publica, priuata autem somni, quam ostendit in illo

Tunc me confectum curis, somnoq; grauatum  
 Infelix habuit thalamus, pressiq; iacentem  
 Dulcis et alta quies, placidaq; simillima morti. ubi nec somnum mo-  
 do, verum solito etiam profundiorum somnum, qui corpore atq;  
 animo fessis contingere solet, ostendit. publica uero diei festi  
 atq; solennis prae latitia celebrati, unde et illud

Namq; ut supremam falsa inter gaudia noctem  
 Egerimus, nesci, qua occasione Helena, et flammam tenere, et  
 chorum ducere sine ulla prorsus fraudis, aut doli suspitione po-  
 tuit. Licet igitur in hac Deiphobi narratione nihil prorsus omis-  
 sum sit ex ijs, quae ad probandum necessaria sunt, quod tamen  
 ipsum vel eo mani festum est, quod non Criticos Grammaticosq;  
 omnes modo, verum etiam Poetas aliquot fessit, coniecta ipsa  
 suspitionum proditiōis multitudo, quemadmodum etiam adeo a-  
 perta atq; dilucida expositio est et breuis, expletaq; omnibus  
 suis numeris et partibus, ut eam Virgilij possis agnoscere, pro  
 credibili tamen pleraq; (ut iam diximus) à Deiphobo sumpta, non  
 pro necessario sunt. Licet enim improviso in cubiculo oppressus, et  
 à Menelao quoq; ipso, atq; etiam dormiens fuisset, hoc illi pro-  
 fectò sine aliqua uxoris fraude potuit accidere, quippe quod et  
 Troianorum alijs ea nocte non parum multis euenisse satis con-  
 stat, plerosq; illorum enim in cubilibus deprehensos matatosq;  
 fuisse, non Poets Graeci modo, sed Halicarnassensis Dionysius  
 quoq; τὴν ἑσπέρην ἀρχαιολογία libro primo scriptum reliquit,  
 et Virgilij ex libro secundo illud ostendit,

Inuadunt urbem somno vinoq; sepultam. nam quia ad multam no-

Et em vigilauerant, et propter falsam letitiam Græcorum discessus, et cibo se et vino onerauerant, et nihil eo minus expectabant, non prius hostium aduentum pereceperunt, quam effractis ac reuulsis ianuis, in cubilibus temulento (ut ille inquit) ac securo sopore profligati, totisq; precordiis stertentes à Græcis deprehensi sunt. et hoc igitur Deiphobo pariter accidere sine aliqua proditione potuisse quis dubitet? Menelaum verò Helena ipsa non imprudente modo, verum nolente etiam atq; inuita, quid aliud facturum fuisse putandum, quàm Deiphobi, cui illa, Paride iam à Philoctete (ut diximus) interfecto, nupserrat, domum autem omnia inuasurum? ulturum s. iniurias, puniaturumq; dolores suos? quod (ut supra dictum iam est) et ipse sinxerat Homerus, licet omnem prorsus insidiarum aut fraudis suspicionem tollere videatur, cum grauissimum ibi aggredi bellum ausum: Ulysses inquit, Minervæ demum opera periclitasse. si enim datum signum, si aperta ianua, si non arma modo omnia domo emota, sed ensis ipse etiam capiti illius subductus, si hostile ferrum iugulo ac lateribus eius admotum, hoc non videtur profectò triste illud difficileq;, quod dicitur fuisse certamen. Iam igitur de voluntate Helenæ videamus, quæ quidem ut ex signis ipsis factum, ita ex persona et causa inspicitur, et omnium primum quæ de illius persona supra dicta sunt, tametsi probabiliter dici videntur, (perinde enim ut opinio est de cuiusq; moribus, ita quid ab eo factum sit existimari potest inquit Cicero) perfacilem tamen rationem habent reprehendendi. neq; enim quia Menelaum deseruerit Helena, propterea statim credibile est, Deiphobum illam fuisse profuturam, vel reditum etiam in patriam, et ad

primum ipsum virum desideraturam. verissime enim (aut ego fal-  
lor) gravissimèq; d Penelope Ulyssi Odyssæa. X. dictum est  
Οὐδέ μιν ἀργεῖν ἔλεναι Διὸς ἐν γυγῆα

ἀνδρὶ πᾶρ' ἄλλοι ἀπ' ὧ ἐμὶ γὰ φιλότατι καὶ ἀνῆ,  
εἰ ἢ δὴ ὁ μὲν ἀντίς ἀργεῖοι ἦς ἀχαιῶν  
ἂν ἱμῶναι οἴκονδε φίλιν ἐς πατρίδ' ἔμελλον.

Qualis igitur mentis illius sensus esse illo tempore potuerit, ex hoc fa-  
cile (ut opinor) intelligi potest. si enim quando domum reducen-  
dam se putasset, alieno nunq̃ concubitura erat viro, nunc verò non  
cum uno tantum, sed duobus, et vigesimum quidem annum iam con-  
cubisset. Quid ni omnia efficere velle deberet, ut in Græciam, et  
ad primum ipsum virum redeundum sibi amplius nullo pacto foret?  
Quo circa et Paride sublato redire noluit quoq; ut in Dionis oratio-  
ne est Τρωῆος ὑπὲρ τῶ Ἴλιον μὴ ἀλῶναι. Sed Deiphobo ipsi poti-  
us nubere, viro pulcherrimo (si Homero credimus) atq; fortissi-  
mo. Nec quæq̃ mouere debet quod Odyssæa. Δ. ubi de Ulyssæ  
cum Telemacho loquitur Helena, his vsa verbis reperitur

ἐνθ' ἄλλαι τρωαὶ λῖγ' ἐώκυον. αὐτὰρ ἐμὸν κῆρ  
χαῖρ', ἐπεὶ ἔλα μοι κραδίη τέτραπτο νέεσθαι  
ἂν οἴκονδ', ἄτλω δὲ μετίσκειν, ἢν ἀφροδίτη  
δῶχ' ὅτε μ' ἤγαγε κείσε φίλης ἀπὸ πατρίδος αἰῆς,  
πᾶσι δ' ἔμην νοστήσας ὁδὸν θάλαμόν τε, πόσιν τε,  
οὐτὰ δαυδόμενον, ἔτ' ἀρ' φερέας, ἔτ' ἐὼς.

Juuenis illius enim earum rerum omnium ignorance ad emerendam  
mariti gratiam abutebatur, quo presente talia dicit, atq; in ali-  
quo profecto mendacio illi delitescendum fuit. Iam igitur non tam

ex persona Helenæ voluntas, in hoc, quàm ratio facti & consilij spectanda videtur, quod quidem plerumq; (vt Fabius refert) causis, temporibus, occasione, necessitate ad rerum momenta conuertitur, ac facile quidem potuit Helena, cum attritis & prope iam perditis Troianorum rebus, in eum casum venisset, vt vel inuita sibi & in Græciam, & ad Menelaum redeundum, aut omnino pereundum esse intelligeret, & voluntatem tempori ac periculo suo accommodatam induisse, & necessitati iam parendum sibi statuisse. cum autem spem salutis in alia ratione non haberet, cum Menelao conuenisse, & licet inuitam, oblata sibi huiusmodi prodictionis occasione, reditum in illius gratiam aucupatam esse, necnon ueterem apud virum & alios calumniam purgare quæsiuisse, ex quo quidem illam in suspicionem Deiphobo venisse apparet. Sed si Helenam ego totius consilij Græcorum insciam atq; ignaram prorsus fuisse docuero, ac de equi ipsius dolo ne suspicatum quidem esse, obtinebo iam tale eam nihil non modo conficere, sed ne cogitare quidem potuisse, quam enim antea delinitam, & optima aliqua spe confirmatam, aut admonitam saltem oportuit, si nihil quicquam tale factum, quæsitum, pertractatum apparuerit, tam repente illam, tam temere, atq; inconsulto, tam audacter, vel potius impudenter, mentem & voluntatem eam, quam & habuisse simile veri est, & cuius significatio in Homero multis locis extat, exiisse, credibile non erit. Signum autem vt daret, fores panderet, arma deferret, enssem subduceret, atq; alia omnia gereret quæ facta ab ea Deiphobus suspicatur, fieri nullo pacto potuisse constabit. Quomodo autem simile veri sit, tanti consilij

participem, tanta rei consciam tunc temporis eam fuisse, ad cuius aures, decimo atq; extremo adhuc belli anno, nondum permassset, utrum fratres eius Castor & Pollux defuncti laboribus iam essent, nec ne, Gracos in expeditione illam secuti, an domi potius remansissent, vel ad Troiam naubus vecti illi quidem essent; præ pudore tamen in pugnam, singularis illo Menelai cum Paride certaminis die non prodissent. & cum enim apud Homerum Iliados. Γ. à Priamo interrogata de Gracis ducibus atq; principibus regem doceret, fratres autem oculis inter alios è turri frustra diu quassuisset, post illa non iam amplius ex ea percontatione quassita, sed dolore ab ea expressa Poeta insert

νε φάτο, ὅς τ' ἄδ' ἐκ νηϊὸς ἐν ποσσὶν αἶα.

et quæ sequuntur. & quisq; Helena tam arcanam rem voti ac religionis specie occultatam, paucis inter ipsosmet (ut verisimile est) Gracos notam, à ceteris ignoratam, aliqua via ac ratione comperitam? aut tam absconditas insidias, tam noua ac dolosa consilia extremo illo tempore Menelaum mulieri commississe existimauerit? cui nullum vnq; antea toto eo longi belli tempore cum Helena commercium fuisse, vel ex hoc tantum probari facile ac defendi possit, vel quia non crederet autem, vel quia odisset, vel quod ipsa non admitteret, vel quia satis commode id fieri non posset, nihil ad rem, mihi illud tantum satis est ad id, quod querimus, nullum inter eos tale commercium intercessisse, ut huiusmodi dolos aut Helena per se aliqua via ac ratione presentire, aut à Menelao, aut à quouis alio ex negotij illius conditoribus accipere potuerit, quod tamen non coniecturis iam suspicari, sed aperte ac



Q V A E S T I O

manifesto perspicere atq; intelligere, quivis ex eodem Poeta Homero facile poterit, apud quem Odyssea. Δ. ille idem Telemacho Menelaus enarrat, ad equum Helenam, in quo una cum Ulyssae ac principibus alijs ipse esset inclusus, ducente numine, insequente Deiphobo accessisse, eundem circumstetisse, saepius attrectasse, assimulataq; vxorum principum omnium, qui intus erant, voce, ut ad respondendum illos alliceret, tumultumq; aliquem ac motum iniectis domesticarum sollicitudinum aculeis ac scrupulis excitaret, nomine quenq; vocasse, nihil demum, ut verisimile est, ac totus ille locus indicat, intentatum atq; inexpertum reliquisse, quo Graecorum (si qui forte laterent) dolos atq; insidias cognosceret atq; aperiret, quippe quae nibildum istiusmodi magis, q̃ Troianorum ipsorum quisq; novisset, quod quidem officium ab ea aut pro tempore simulatum, aut vi expressum atq; coactum fuisse, ne maritus eius quidem dicere ausus est, cum seipsum, etiam Diomedem ita stimulat atq; excitatos fuisse fateatur, ut epre di in equo latere inclusi intus mallerent. Anticlus autem ille Ortygides omnino respondurus, nisi Ulysses ora ipsius manibus compressa diu ac constrecta tenuisset, licet eam purget q̃ potest maxime, in Deum qui Troianorum partes foueret, culpam conferens atq; reijciens. Nec obstitit quod de Ulyssae Decetis habitu (nam hoc ut opinor nomine mendicus erat) Ilium ingresso, et ab ea cognito eodem illa loco inquit

καὶ τότε δίκμοι πάντα νόον κατέλεξεν ἀχαιῶν. In quo cum nemo eam posset redarguere, absentis testis occasione mentitur, vitabat enim Helenam astute et callide quidem Ulysses, quod et ipsa ibidem fatetur, à qua cum se cognitum postea sensisset, quod tantum



negare ei amplius non poterat, forsitan confessus est, quem tamen illam etiam Hecubæ manifestasse dicunt, sic enim apud Plautum in Bacchidibus

-Ulysses ut pradicant

Cognitum ab Helena esse, proditum Hecubæ, cui blanditijs ille persuaserit, ut se abire permetteret. atqui tantum abest, ut Helenæ fidem Ulysses habuerit, ut ne pudicissimæ quidem uxori credendum sibi putaret, sicuti Odysseus. Π. scriptum legimus, in-

quiens etiam Telemacho μήτ' αὐτὴ Πηνελόπεια  
ἀλλ' οἷοι σὺτ' ἐρώτε γυναικῶν γνῶσθαι ἴδω

unde Virgilij illud

Notumq; furens quid fœmina possit. nisi forte existimamus, mulieri cum tunc cum expertus nondum esset credidisse, posseta verò nequaquam, ab Agamemnone præsertim admonitum. ille enim Ulyssi apud inferos congressus Clytemnestram accusat, quæ oculos morienti non clausisset, monetq; ne mulieri fidem habeat, ne ne omnem animi sui sententiam eloquatur. Cum igitur excogitatum crimen id esse non potuerit, unde tunc dissidendum an confidendum sibi fuerit, scire potuit Helena? dubium fuit profectò, at speravit, inquit, quam ob causam? necesse est enim eam et iustam, et magnam, et perspicuam fuisse, utrum opinione officij tantum, non modo stulta sed improba. magna profectò temeritas, ni singularis impudentia potius dicenda est, non modo sine ullo timore, sed etiam tanta cum spe, eo tempore, huiusmodi tantum de causa, tanto in periculo fuisset, quæ quanta tamen esse potuerit atq; debuerit, vel ex Deiphobi ipsius verbis

# Q V A E S T I O

facile comprehendendi potest cum ait  
 Scilicet id sperans magnum fore munus amanti, hoc enim eò spe-  
 rat, ut imprudentem illam ac stultam, quæ hoc sibi persuase-  
 rit, dicat. sensus est enim per irrisionem atq; ironiam hæc signi-  
 ficans. Longe verò aliter Helena quam putarat accidisset, namq;  
 & primum illud dedecus, turpitudinem, ignominiam auxisset,  
 novam ad priorem culpam addendo, & scelere scelus cumulan-  
 do, si mariti veteris reconciliationem novi sanguine sancire, &  
 quod turpiter amiserat, nepharie recuperare voluisset, viroq; pa-  
 rum gratam rem fecisset, tunc redire ad eum se spei ac officij simu-  
 latione velle ostentans, cum effugere amplius non posset, Deip-  
 phobum prodere ipsum volens, quod & quando esset minimè neces-  
 sarium. Igitur quod non pertractasset antea, sine vlla reconci-  
 liatione gratia; non nepharie modo cogitasset, sed stulte etiam  
 sperasset. Verum non ego hoc dicam opinione falli Helenam non  
 potuisse, quod innuere Deiphobus, ut dixi, videtur, sed non ve-  
 risimile esse, istam reconciliationem gratia, illam, tum cum fau-  
 cibus premeretur excogitasse, & in ipso articulo temporis; tam  
 dubia inanisp spe potius ductam, quam repentina atq; improvisa  
 formidine territam, presentiq; mortis metu, ac perspicuo peri-  
 culo cadis conctam fuisse. Celare igitur se non muliebri illi natu-  
 re, atq; illius conscientis modo, quis (ut est apud. M. Tul-  
 lium) timidum suspiciosumq; facere solet, in tantoq; & tam in-  
 opinato casu, periculoq; tum proprio, tum communi magis conue-  
 niens, verum longè etiam tutius fuit, cui non à Menelao solum,  
 sed à Græcis adhuc omnibus alijs, nec à Græcis tantum, sed à Tro-  
 ianis

ianis ipsis multo magis metuendum erat . Si quam verò sperare et à Menelao ipso veniam poterat , primus omnino ille impetus vitandus fuit , ubi in iracundia ; in victoria , animorum ardore et armorum , inter ferrum ac cades , nullus clementie , nullus precibus locus est , donec mariti ac Græcorum ira , veluti aculeo in Deiphobum atque in ceteros Troianorum dimissa ac relicta , leniores illas postea ipsa experiretur . ita enim natura comparatum esse Aristoteles in Rhetoricis docet , ut maiorem omnino iracundiam leniat sumptum de alio supplicium prius , adducto ibidem Ergophili cuiusdam exemplo , ac Philocratis nescio cuius dicto , qui cum admoneretur ab amicis , ut apud iracundia incitatum in eum ipsum populum se purgaret , facturum id omnino se negavit prius quàm in quempiam alium animaduersum iam videret , ante enim maturum non esse . quod quidem et fecisse Helenam non Cneâ ipso tantum teste apud Virgilium credimus , sed Græcis etiam Poetis , et non metu præsentis exitij modo , at pudore tantum ipso facturam ac verecundia fuisse , credere par est . Sed hæc de voluntate dicta sufficiant . illud verò etiam sequitur , quomodo ignara atque imprudens tantorum impendentium malorum , mentisq; Græcorum ac consilij , ex arce dare illis signum potuerit , hoc enim ut ceteri omnes , abijisse et illa putabat , de quibus legimus

Nos abijisse rati , et vento petijisse Mycenæ . sicuti fuerant à Siphone persuasi

Et nunc quòd patrias vento petiere Mycenæ , nisi post agnitos dolos tale eum aliquid fecisse dicamus , quando orgijs ducendis

tempus, & choro simulando non erat. addo illud etiam neque armis domo efferendis, subducendo ensi, caterisque gerendis, quæ facta ab illa Deiphobus suscipitur. quare eborum ducebat, sed non simulans, flammam tenebat, sed non signum ut daret, sed si tunc signum cum eborum duceret, dabat, tempore ipso non dabat. non solum enim tota tunc ciuitas vigilabat, sed ne Deiphobus ipse, qui vidit quidem, adhuc cubitum secesserat, quod totum non insidiosè, non preparato quidem, non maliciosè, sed bona mente factum esse, & illud ostendit, quod palam, non autem ex insidijs, vigilante ciuitate, Troianis mulieribus comitantibus, omnia gerebat. Datum autem fuit illud exilij signum ex Illo quoque à Tenebris venientibus Græcis, sed aliquanto post, cum .s. fusi per mœnia Teucri, conticuerunt (ut Poeta inquit) sed non ab Helena, cui hoc impronissum atque inopinatum accidisset, verum à Sinone totius negotij ductore, ut Plautus dicit in Bacchidibus his verbis

Bacchidem habet secum ille olim ut habuit ignem qui signum daret, & Calaber παραλεμπομῶν Libro. XIII.

Δι' τὸτ' ἀπ' αἰθαλόεντα σίνων ἀνὰ πυρὸν αἶρεν  
 Δεικνὺς ἀργείοισι πυρὸς σέλας tamen si quomodo inter se dato illi signo conuenerint Poeta ostendit in eo

- Flammas cum Regia puppis

Extulerat. utriusque .n. datum esse uerissimile est, & non datum igitur ab Helena constat, & à quibus datum sit apparet, licet Tryphiodorus Ægyptius Grammaticus, qui uersibus Ilj captiuitatem conscripsit, tale aliquid de ea tradidisse uidetur. cum .n. de Sinone dixisset

set quod et Virgil. et Calaber et Plautus et alij, de Helena inferunt  
 παννυχίᾳ δ' ἐταροισὶν ὑπὲρ θαλάμοιο καὶ αὐτὴ  
 εὐκλειᾷ ἑλένη χερσὶν ἀπαλείψουσά πάυκιν.

Post datum tamen signum (ut Deiphobus suspicatur) domum uenit,  
 arma domo omnia effert, capiti ensē viro iam arctē & graui-  
 ter, ut sit ex lassitudine, dormienti subducit. primo verò hoc non  
 ordine procedit, ante enim hac gesta, postea datum signum es-  
 se oportuit. deinde spes occultandi & perficiendi doli quæ fuerit?  
 utrum ipsa per se ista omnia gessit? atqui vix potuisse vide-  
 tur, an per alios potius? nam illud

Arma omnia tectis

Emouet. hunc etiam sensum admiserit. cui cominisset igitur?  
 quo administro usa est? cui tantum facinus? cui suam &  
 Græcorum omnium salutem credidit? in quem alium enim aut vr-  
 bis aut familiæ similis quæ in illam suspicio consisteret? quem in  
 locum comportabantur, quæ domo exportabantur arma? quare etiam  
 si voluisse Helenam concesserimus, nec potestatem nec faculta-  
 tem habuisse illam, ut confiteamur necesse est, at ensē capiti  
 ipsius subducere, neque etiam fuit necesse. quid enim vnus per-  
 territus, semisomnis, securus, inermis, quàm uelit sit strenuus,  
 efficere Deiphobus potuit? contra tot alacres, vigilantes, vi-  
 ctōres, ardentes odio, iratos, paratos, atque instructos, etiam si  
 ensē habuisset? illud igitur non potuit ab ea, hoc fieri etiam non  
 oportuit, quod licet suspicari aliquid non sinceri in Deiphobo fuis-  
 se, mentitur in hoc enim fortasse propter pudorem, quippe qui  
 ita truncatus esset, quasi si ensē habuisset talia passurus non

# Q V A E S T I O

fuerit. Concludendum igitur profectò . P. Virgilium non esse contrarium sibi, sed Æneæ Deiphobum, persona enim cum persona, non Poeta secum ipse componitur, cum Poetæ enim ars imitatio quadam sit, et contrarios interdum hominum affectus exprimat, sæpenumero cogi illum sibi ipsi contraria dicere Plauto legum lib. quarto testis est, cuius ubi de Poeta loquitur verba sunt hæc καὶ τῆς τέχνης ἕως μίμηςως ἀναγκάζεται ἐναντίως ἀλλήλους ἀνθρώπους ποιῶν διαθεμῶνους ἐναντία λέγειν αὐτῷ πολλάκις. Quemadmodum igitur multa esse in Poetis Homero Virgilioq, in quibus sibi ipsis illi contraria dixisse videri possint, non fatemur solum, sed etiam profiteremur, ita non temere id, nec sine ratione, sed consilio et ex arte factum esse contendimus. Æneam autem ipsum hac parte verum, falsum verò Deiphobum dicere, talia tamen illum qualia sentiret, et loqui, ut constet ea ideo à Poeta esse posita, quia cum tractaretur Deiphobus, personæ seruiendum fuit illius, qui veritatem rei ignorans talia, nec temere quidem, non suspicari modo, sed credere facile poterat. (nisi forte fallere illum ac mentiri potius volumus, de quo minima mihi hoc tempore quaestio est) non autem ut pro veris illa nos accipiamus, quibus Poeta idem et in ipsamet Deiphobi narratione impressa quædam vestigia signaq, reliquit, et alia locis alijs manifestius posuit, unde rei veritatem non suspicione tantum nos, sed ipsis deprehendere manibus valeamus. Ex ijs enim quæ post mortem illius sunt consecuta, ut Deiphobus coniungere nihil potuit, quippe qui fuerit trucidatus, ita nobis quibus res tota tradita est

longe aliter euenire quis ambigat? ille enim quid factura esset Helena, dubitauit, nos quid fecerit videmus: volumus enim ex his quae secuta sunt post, facile cognoscere opinione falli Deiphobum, qui ab Helena proditum se fuisse putarit? nullum profecto verius ac manifestius argumentum, quod eo in loco, in ea animi affectione, multo post ab Aenea ipso visa illa atque inuenta sit, in quo si eum prodidisset videri nullo pacto, tali praesertim tempore potuit, quod Aeneas etiam manifestaturus Deiphobo fuisse videri potest, nisi Sibyllae admonitio intercepisset, ut illud non frustra dictum constet

Et fors omne datum traherent per talia tempus,

Sed comes admonuit breuiterque affata Sibylla est. In eo enim falli Deiphobum Aeneas optime nouerat, veruntamen superuacanea huiusmodi illo tempore disputatio erat, unde ait per talia, hoc est nihil iam amplius, quomodocunque sese habuerint, profutura. Mitto autem quod paulo post Deiphobi domus incendium atque ruinam, Aeneas de Menelao & Ulyssae meminit, Cassandrae à Mineruae templo trahentibus. meminit de illis ad Regiam Priami pugnantibus quoque, & de Helena verbum nullum, quippe: quam nondum Menelaus inuenerat, & omnino aptius Poeta visum est, quoniam semel de illa certe, non minus quam de Priamo Rege, mentionem facere Aeneas debuit Troiae excidium in conuiuio Didonis enarrans, mulieris nempe, cuius causa tantum illud belli incendium conflatum erat; in extremam noctem Menelao ipsam reservare, quam tunc cum pugnandum erat maxime, huiusmodi illum sarcina inutiliter onerare & tam-



eisi ad inuentam Helenam vsque Ænes' narratio non procedit ,  
 quippe cui ipse rei non interfuit , eò iam deduxerat tamen , vt  
 quid postea secutum sit , quibus intelligere facile possit . Quid  
 enim quod adderet reliquum erat amplius , quàm post Ænea di-  
 scessum , Menelaum eum in locum peruenisse , sic latentem illam ,  
 circumspicientem omnia , quicquid increpisset pertimescentem ,  
 metu mutam atque exanimatam , ac vix viuam , horrentem , ac  
 trementem offendisse , & ( quod Poeta graeci prodiderunt ) in-  
 terficere etiam voluisse . sic enim & . Q. Calabrum , tametsi  
 „ non in Priami Regia , non in aede Vestæ , sed in conclauis quo-  
 „ dam retro in vltimis adibus , vt Terentianus ille inquit , celan-  
 tem sese inuentam , & Euripidem ipsum in Tragœdia finxisse  
 constat , apud quem tamen cum interimere eam decreuisset Me-  
 nelæus , ac strictum iam gladium intentaret , vbi illam accessit  
 propius , mulieris forma percussus , ensẽ abiiecit , in collum in-  
 uasit , postremo etiam deosculatus eam est , seque ipsum quasi  
 captiuum ei dedit , quod apud Galenum de Hippocratis ac Pla-  
 tonis decretis libro quarto scriptum inuenias , vnde & talis in-  
 crepatio in eum fertur

οὐδ' ὡς ἐσθλὸς μάσδον  
 ἐκείνης ἐυβαλὼν ἕϊφος φίλῳ ἰολέῳ προδότην ἀνάλλων  
 κούνα .

Hec ego à Criticis ipsis & Gramma-  
 ticijs visa non fuisse , non miror , acutius enim sicla sunt , quàm  
 vt quibus ea possit agnoscere . Inuentum tamen esse quenquam tan-  
 to errore inflatum , qui quoniàm contradictionem hanc cum agno-  
 sceret ac consileretur ( siue eam Tucca Varusq̃ , seu veterum  
 Grammaticorum quisq̃ alius , non abditiſsimam rem profectò ,

viderat ante) quid secutus in ea Poeta esset, coniectura assequi non quiret, iccirco minus illum nihil sine summa ratione atq; artificio fecisse sibi persuaferit, id verò demiror. Adhuc unum tantum discutiendum restat, post finem faciam hac de re plura dicendi. utrum in domo Priami Æneas amplius, cum Helenam vidit, Venusq; irato ac dubitatione æstuanti apparuit, & in qua eius parte, uel aliquo alio in loco potius fuerit, et in hoc enim aliqua difficultas, atq; inter veteres Grammaticos dissensio esse videtur. Donatus quidem in domo Priami adhuc, atq; in summa eius parte. constitutum illum fuisse asserit, quo & ante sese ascendisse dixerat. Euado ad summi fastigia culminis, & vnde se præcipites dederant socij, aut tradiderant flammis, & iratus postea dicat Descendo ac ducente Deo, & quæ sequuntur. meq; haud sane pœniteret sententia eius esse, nisi quod male dissimulatis ab eo versibus continetur, non negligendum esset, in quibus legi iam diximus  
-Cum limina Vestæ

Servantem, & tacitam secreta in sede latentem. Tyndarida aspicio. si in domo enim Priami adhuc illum, atque in summa eius parte fuisse concedimus, quæ Vestæ accipere eo loco limina, in quibus abdere sese potuerit Helena, debeamus, proferre non facile possumus, nisi Vestæ ibidem sacellum fuisse existimamus, molles ubi reddunt oua columbæ, tamen si simile omnino veri videtur esse, vere ac diligenter considerantibus, ut cum primum Græci effractis postibus, conuulsisq; repagulis in Regiam iruperunt. Æneas & alij quos iam inde ab initio ad summi tecti fastigia ascendisse poeta dixerat, in inferiorem adium partem descen-

derint, vt & armatis, qui stabant pro foribus opem atq; auxilium  
ferrent, & hostibus occurrerent, qui inferiora domus irruperant,  
cum eo vel ipsum Priamum paratum atque armatum ea de cau-  
sa descendisse satis constet, vbi & obtruncatus postea ad Hercæi  
Iouis, quem alio nomine penetralem Romani vocauerunt, aram  
sit, in quam Hecubam & natas iam confugisse Poeta dixerat, sic  
enim & Enes contigit, vt ea videret quæ dicit

Uidi ipse furentem

Cade Neoptoleum, geminosq; in limine Atridas.

Uidi Hecubam, centumq; nurus, Priamumq; per aras

Sanguine fœdantem, quos ipse sacrauerat ignes. & illud

Vt regem æquæum crudeli vulnere uidi

Vitam exbalantem. quæ quidem omnia, si in ipsa summitate ar-  
cis adhuc erat, videre vix potuit, tamen si editiora illius reli-  
quisset iam Eneam, vel ex eo coniungi potest, quod Venus di-  
cit post,

Jam summas arces Tritonia (respice) Pallas, & cætera. neque  
enim ociose dictum est respice, sed ei proprie qui iam terga ver-  
tisset, sicuti de coniuge sua Eneas post

Nec prius amissam respexi. dixerat enim ante

Pone subit coniux. cum tamen illum nequaquam semper vno & eodem  
loco tanquam æneum signum erectum fixumque stetisse, vel ea ver-  
ba significent, atq; adeo aperte ostendant

Erranti, passimq; oculos per cuncta ferenti. dum socios require-  
bat quorum auxilio non suis modo opem ferre posset, sed seipsum  
multis, quibus undique cinctus erat periculis explicaret. Nec  
obstiterit

obstiterit quod ad terram saltu misisse sese socios dicat, hoc enim ante ab eis factum accipimus, licet non prius animaduersum ab Enea quam à tergo requirens illos non inuenerit, ut qui pugnare inter primos consueuerat, unde est

Respicio, et quæ sit me circum copia lustrorum. neque enim eo puncto temporis, et eo quo Eneas erat loco, cum à socijs desertum se fuisse cognouit, sed aliquanto ante factum id ab ipsis intelligi debet, deserueretque, misere, et dedere, deseruerant, miserant est et dederant, quæ uis præteriti interdum temporis est, ut Priscianus viij libro docet. sciendum enim (inquit) quod Romani præterito perfecto non solum in re modo completa utuntur, in quo vim habet eius qui apud Græcos παρὰ νείμωρος uocatur, quem stoici τῶνδεσιν ἐνέστωτα nominauerunt, sed etiam pro ἀνέστω accipitur, quod tempus apud Græcos tam modo perfectam rem, quam multo ante significare potest. ut Eneas igitur utrū horum comites fecissent certo non sciebat, quandoquidem dubitater illud dictum est

Ad terram misere, aut ignibus ægra dedere. quasi dicat aut hoc fecerant, aut illud, ita etiam neque locum, neque tempus ipsum, alioqui eos sic (ut ait) errans, atque oculis cuncta perlustrans, non quasi uisisset, unde et duo quoque mortis genera, non speciosiora modo, quæ de socijs in Tyriorum castris referret, mente concepit, sed quorum alterum ad id respicit, si tunc cum illum deseruerunt, in summis Regiæ partibus erant, alterum uero, si etiam in imis, quæ flamma profecto sunt, in quas tam ex æquo se, quam ex superiore loco immittere poterant, quorum tamen ita potest utrumque, ut possit neutrum etiam verum esse, quandoquidem et ut sese abdidiissent, et ut ab hostibus cæsi essent, et ut salutem fuga sibi quasiuissent,

## Q V A E S T I O

fieri facile potuit, vnum tantum certo sciebat Æneas, desertum ab illis fuisse sese, non quia tamen flagitium rei militaris admisissent, verum cum desperassent, & vani laboris tedio defessi iam omnes essent, in quo Æneæ virtus exprimitur, qui fatigatis ac desperatis omnibus, nondum defecisset aut desperasset, & etiam si solus relictus erat, non modo deiectus de arcis presidio non esset, sed nec cessurus etiam videretur, si & quicquam Priamo præstari amplius potuisset, & nisi propriæ domus, patris, filij, vxoris illum memoria attigisset, casuumq; quæ plurima illis accidere poterant, imago mente concepta subisset, post verò & matris castigatio accessisset, sic etiam patriæ nunq̃ defuit vsq; in extremum, & cum se cessisse fatetur

-Nec spes (inquit) opis vlla dabatur. nec illud etiam fortasse repugnat, quod de se postea visa iam matre dicat

Descendo, non tam enim de superiore parte domus, quàm de arcē ipsa præexcelsa atq; edito vrbs loco, dicit, in qua domum regis fuisse nouimus, vnde & alibi Æneas

Procedo ad Priami sedes, arcemq; reuiso. quod aperte Homerus testatur Iliados. Z. vbi de adibus Alexandri loquens ait

Εγγυθὶ τὲ πριάμοιο καὶ ἑκτορος εὐ πόλει ἄρει.

Ex quo etiam loco omne Ilium Venus ostendere vndiq; intuenti filio potuerit, tamen si tota vrbs ita in colle sita erat, vt quaque versus descensus esset, quod & saepe alibi Homerus ostendit, & Iliados. Ω. hoc versu

οἱ δ' ἐπεὶ οὖν πόλιος κατέβαν, πεδλίον δ' ἀφίκοντο.

Vnde & illa Virgilij, opinor,

Sin manibus vestris vestram ascendisset in urbem, &  
 -Scandit fatalis machina muros. Illud igitur quod de *Veste*  
 dictum à nonnullis est ade, probabilius alicui fortasse vide-  
 bitur, in quam Helena ex Deiphobi aut Priami ipsius domo  
 confugisset, quemadmodum & in tali fieri fortuna solet, & à  
 multis factum nocte illa Halicarnassens Dionysius scriptum re-  
 liquit, & Poeta ostendit in eo

Plurima perq̃ vias sternuntur inertia passim  
 Corpora, perq̃ domos, & religiosa deorum  
 Limina, hoc est sacras ades, & in illa multo verisimilius profe-  
 rō, cui nullus esset vsquam, neq̃ apud Græcos, neque apud Tro-  
 ianos consistendi locus, & in ipsa *Veste* ade, tanquam in pu-  
 blico quodam, atq̃ urbis ipsius foco, sic enim de legibus lib. II.  
 M. Cicero eam vocat, quæ tamen in arce eadem fuerit prope  
 ipsius Priami Regiam, vt Poetam nouimus Romanas res potissi-  
 mum per figuram aliarum rerum libenter exequi, & Numa enim  
 Pompilius prope *Veste* adem regiam Roma condidit, sicuti  
 Plutarchus auctor est, quæ postea Neronis incendio absumpta  
 sit, & in parte domus fulmine tacta Casarem adem *Veste* con-  
 struxisse Suetonius scriptum reliquit, vnde & Ouidij illud esse  
 interpretantur

*Vestisq̃ Casareos inter sacrata penates*

Et cum Casarea tu Phœbe domestice *Vesta* nisi forte non ad vr-  
 bis focum & publicum, sed priuatum potius Regis ipsius, He-  
 lenam confugisse, alicui magis probabitur, nec minus sanctum,  
 nec omni minus religione munitum locum, sicuti in oratione pro

# Q V A E S T I O

domo sua ad Pontifices. M. Cicero latissime prosequitur, quem quidem audita iam proscriptione Plutarchus, cum graves alias atque ancipites per noctem illam cogitationes animo curâsq; ver-  
 sasse, tum Caesaris ipsius domum adire, clamq; eam ingredi cogi-  
 tasse dicit, ac se ipsum in eiusdem foco iugulantem, malum in  
 eum genium concitare atque immittere, græca autem Plutarchi  
 verba sic habent καὶ σφάξας ἑαυτὸν ἐπὶ τῆς ἑστίας ἀλάστορα  
 προσβαλεῖν, ut limina Vestæ apud Poetam, Vestam ipsam  
 intelligamus, quam larem ac focum esse, nemo (ut ita dixerim)  
 vel mediocriter doctus ignorat, quod sanctissimum quidem suppli-  
 cibus perfugium veteribus temporibus esse adeo consueverat, ut  
 communi quadam lege, tuti in hostis etiam foco essent, quod &  
 Coriolani & Themistoclis exempla testantur, ut ἐκείτιστα τῆς  
 ἑστίας Helenam intelligamus, sic enim Plutarchus vocare id  
 supplicum genus solet. De hac autem lege & Aristoteles Oeco-  
 nomicorum libro primo meminit hoc (ut opinor) modo. Primum  
 ,, inter virum & uxorem statuendæ leges, ut cesset iniuria, ita enim  
 ,, nec ipse iniusti quippiam patietur, id namq; communis inducit lex,  
 ,, quemadmodum Pythagorici dicunt, veluti supplicem & à foco  
 ,, ductam, nullo pacto afficiendam iniuria esse, & Apollonius Ar-  
 gonauticon Libro. IIII.

Τὼ δ' ἄνω καὶ ἄνωλοι ἐφ' ἑστίαν ἀΐσαντες

ἰζανον, ἥτε θύκην λυγροῖς ἐκείτῃσι τέτυκται.

vbi interpretes le-

gem fuisse refert ut supplices apud larem sederent taciti, quod  
 quidem & in Coriolano Plutarchus ostendit καὶ παρεισελθὼν  
 ἄφρω πρὸς τὴν ἑστίαν ἐκείτῃσι σιωπῇ, καὶ τὴν κεφαλὴν



ἐγκαλυψάμενος ἡσυχίαν ἦν. & Dionysius Halicarnassensis  
de eodem Libro. VIII. cum ait ἡλένης τῆς ἀσπρῆς γίγνεται  
καθεξόμενος ἐπὶ τῆς ἐστίας. unde Virgi. & tacitam Helenam  
fortasse morem ipsum notans, dixit

- Tacitam sacrata in sede latentem

Tyndarida aspicio, & sedentem, cum ait

- Atque aris inuisa sedibat, ubi vno verbo Cneus ipsius excusa-  
tio quasita videri potest. de Helena, contra communem legem in-  
ter aras & focos quidem, at quibus tamen inuisa illa esset interfi-  
cienda cogitantis. Verum hoc quidem ut quisquis voluerit, ne  
modum quaestioni enim exarserim vereor, veruntamen & in re  
tam inueterata noua omnia sentienti, tantam opinionem, tam peni-  
tus insitam, tam velustam, ex animis hominum euellere conanti,  
differenda atque excutienda multa fuerunt, & (quod Seneca in-  
guit) pluribus verbis opus est, ut quaestionem soluas, quam ut  
proponas.

στασις αὐτῆς ἐκ τῆς, ἀσπρῆς

F I N I S.


Cautum est decretis Pauli . I I I .

Pont . Max .

& Caroli . V . Caesaris inuictissimi  
ne quis , siue Chalcographus , siue  
Bibliopola hanc Francisci Campa  
ni Collensis Quaestionem Virgi  
lianam , in officina J . Minicii Calui  
excusam , intra decennium uspiam  
imprimat , uel ab aliis temere  
impressam uendat .

401 1465 384















BIBLIO  
Vitto